

佩文齋書畫譜

元明

畫家傳

卷五三
五の
五五

C. T. LOO & CO.
41 EAST 57th STREET
NEW YORK, N. Y.

NO. 513

HGT. _____

LENG. _____

NK
3634
.A2
Q243
1920
v. 19

佩文齋書畫譜目錄

第五十三卷

畫家傳九

元一

趙孟頫

趙雍

趙奕

趙鳳

趙麟

趙孟頫

高克恭

錢選

李衍

李士行

李仲方

張遜

王伯時

陳仲仁

陳琳

張孔孫

趙淇

和禮霍孫

劉貫道

何澄

顧正之

劉敏

劉世亨

商琦

商壽

劉融

李澄叟

金應桂

史杠

郭敏

李有

喬達

王英孫

李侗

田衍

張衡

王士熙

班惟志

李章

王振鵬

劉伯熙

楊叔謙

俞子清

胡廷暉

沈孟堅

趙伯顯

柯九思

楊維翰

朱德潤

杜本

宋敏

房大年

王淵

唐棣

邵思善

郭昇

任仁發

石巖

范庭玉

柴楨

信世昌

胡瓚

韓公麟

牛麟

張德琪

劉德淵

韓紹暉

張敏夫

高吉甫

周堯敏

王鼎

王泰之

謝顯

孫君澤

吳梅山

吳梅溪

馮君道

楊月澗

楊說巖

許擇山

沈月田

朱梅間

熊太古

吳古松

賈策

顧安

謝庭芝

李升

盛昭

顧達

陳君佐

李容瑾

林士能

朱裕

沈麟

鄭禧

張義上

李士傳

戴淳

吳堂

吳瓘

張文樞

李沖

張遠

陳鑑如

陳芝田

林伯英

周如齋

沈月溪

邊武

王迪簡

陶鉉

謝佑之

朱邱

華岳

潘桂

戈叔義

趙天澤

臧良

夏迪

衛九鼎

李希閔

王勝甫

王起宗

王奇峰

霍元鎮

申屠子邁

旦景初

鄭鏗

陳立

馬竹所

佟士明

周怡

劉敏叔

羅若川

聶空山

張明德

王庭鈺

趙良佐

姚安仁

李進臣

李肖巖

白汝明

王本中

劉伯希

俞伯澄

梅鼎

李兼善

白賁

彭南溟

康月天

俞巖隱

郎子雲

葉仲輿

陳俞

劉尊德

鎰堯輔

周伯寧

朱璟

汪罕

周耕雲

褚冰壑

婁仲英

王夢麟

盧師道

杜士元

從子龍

朱叔重

尚雨

鮑敬

劉廣之

沈雪坡

姚雪心

趙雲巖

王仲元

朱淳甫

焦善甫

顏輝

鄭彛

戴仲德

程政

第五十四卷

畫家傳十

元二

黃公望

王蒙

倪瓚

吳鎮

盛洪

盛懋

曹知白

曹慶孫

張以文

張中

莊麟

崔復

王珪

朱玉

王繹

陶復初

陶宗暹

陳立善

陳處亨

郊韶

趙元

陸廣

陳植

崔彥輔

毛倫

李中明

柴浩

陳亦所

繆佚

徐愷

曾瑞

周文質

趙良弼

張觀

趙清澗

冷起巖

胡欽亮

孟玉澗

莫廷瑒

姚彥卿

伯顏不花

赤蓋君實

蕭鵬搏

丁野夫

李康

周朗

黎仲瑾

謝仲和

何思敬

崔旭

金汝霖

楊清溪

吳伯昭

楊文昭

曾雲峰

劉宗海

謝君績

莫慶善

馮文仲

虞瑞巖

吳筠軒

宋元凱

倪驥

葉可觀

葉清支

謝伯誠

李立

熊夢祥

趙渙

陳貞

張渥

東宗庚

倪宏

邊魯

楊周卿

高暹

林子文

陳肖堂

毛楚哲

董旭

鄧覺非

堵簡

焦白

瞿智

伯顏守仁

徐貽

束遂菴

沈復

費松年

姚淡如

王麟

陳彥德

張明卿

陳大倫

韓介玉

支叔芳

陳昇

王熙

趙希遠

夏文彥

黃周山

田景延

孔叔平

趙東

任子昭

吳近仁

陳可復

方君瑞

金潤夫

金質夫

姜清叟

陸厚

魏顯

葉梓素

吳大素

于元鼎

閻驥

顧伯高

錢君用

趙安道

金禹瑞

楊仲開

呂仲

李士安

李道行

李師孟

周葵卿

湯有吉

李瑞

堵信卿

南宮文信

張心田

孟仲良

陳公望

莫士元

金德謙

吳宗起

朱大年

吳若水

李良心

張定

鄭錄

朱肅

夏子言

陳公才

曾勉

焦粲

伍元如

沈瑞

曹煥章

張英

於務道

陳寶生

王立中

赤蓋希曾

陳岳

卞仲子

卞珏

李通

張令

喬戚里

自然老人

牛老

寫真張翁

簡生

何大夫

吉學士

孫寫真

馬郎中

水東山人

沈處士

蘇大年

夏汲清

宋嘉禾

王正貞

宋汝志

張羽村

張嗣成

張嗣德

方從義

吳霞所

張彥輔

張雨

簡天碧

馬臻

趙元靖

丁清溪

王景昇

徐太虛

盧益修

蕭月潭

李道士

周愚

彭道士

莫起炎

蕭得周

郎玄隱

鄒復雷

鄒復元

康鍊師

曾道士

釋溥光

釋溥圓

釋海雲

釋妙圓

釋智浩

釋道隱

釋允才

釋時溥

釋智海

釋普明

釋柏子庭

釋維翰

釋慧甄

釋絕照

釋性天然

釋枯林

釋鏡塘

釋無詰

釋南岳雲

釋蓮

釋海

釋宗瑩

釋大訢

釋亮

釋用

釋鑑

釋方厓

釋本誠

釋慧梵

釋仲山

釋樵枯子

松菴上人

瑞上人

管夫人

李夫人

第五十五卷

畫家傳十一

明一

陳遇

陳遠

楊基

張羽

徐賁

宋克

朱芾

王冕

吳雲

朱同

張紳

詹儼

劉崧

邵誼

邵孜

章橫塘

王行

顧祿

烏斯道

朱應辰

唐肅

陸闓

陸顥

陸瑄

陸琰

陸錫

周砥

宋杞

陸行直

莘野

薛穆

虞堪

馬琬

華晞顏

張文昱

陳汝秩

陳汝言

董荆

徐敬

沈元素

陳珪

陳允文

朱祺

朱佐

朱侃

朱蒙

王賓

王履

張未起

周位

孫文宗

盛著

王真翁

章葆

沈希遠

王仲玉

張彥材

馬良

相禮

王葯

徐良甫

陳敬止

胡秋碧

許舟

朱月鑑

王立本

王繼宗

金潤甫

周孟容

楊彝

史謹

韓庶

胡唯

鮑原禮

浦源

陳太初

顧琳

趙仲容

李石樓

夏義甫

滕遠

蔣月鑒

蔣玉泉

徐景暘

李西山

蘇照

藍瑜

陳德顏

堵炳

余仲揚

許如圭

陳舉善

李克雋

尚仲份

尚仲良

茅澤民

姚繼華

陳仲美

徐子修

羅小川

虞魯瞻

程玉泉

錢均羽

李元中

毛元升

俞景山

錢叔昂

素子初

顧困

朱士謙

俞凝清

朱自方

胡仲厚

吳景行

史均民

傅子英

盧景春

蕭澄

金黼

范摹

范川莊

周是修

鄭恕

徐原父

姚廣孝

胡儼

王璣

陳繼

王紱

夏景

夏昺

張益

錢復

張緒

屈衮

吳瓛

林埴

魏天驥

朱孔易

高廷禮

林銘

金鉉

夏衡

鄭閻

林遵性

黃蒙

鄭昭甫

王彥真

過儀

過永瞻

周號

彭勗

茹洪

卓迪

蘇伯厚

高淮

高景度

周冕

羅雅

周原慶

朱亮

范暹

張子明

蘇致中

郭純

郭鼎

謝晉

蘇復

章瑾

吳子陵

上官伯達

李福智

殷善

殷偕

蔣子成

趙庶

邊文進

邊楚芳

邊楚善

俞存勝

張克信

錢永善

阮福

胡隆

鞏庸

周庸

沈遇

張子紘

袁廷玉

鄒明

邊孟屯

陳撟

陳以誠

蕭以德

蕭士信

蕭于喬

蕭于京

朱孟淵

馬景約

林景時

胡旻

胡昱

胡昂

胡昊

王毓

解琇

解珙

盛虞

王肇

羅理

張僊童

李時

劉祥

林真士

顧寅

鄭彥初

陸復

柴比陵

趙迪

林宏顯

李焮

林質齋

金文璣

沈士廉

張德輝

薛績

范禮

董常

王養蒙

羅汝文

張德輔

詹仲至

高維端

許俊

李明遠

潘宗紹

魏以敬

鄭克修

何景高

洪澤

怵懋菴

黃希穀

王恭

張世祿

胡元素

趙壽

劉憑

姚繼宗

董太初

盛叔大

沈觀

汪文

李子安

弓力本

史政

李芳

許端

季賓

呂端俊

呂敬甫

朱孟約

倪宗器

睦坦

吳歸山

王元道

曾沂

沈翼

陳九成

沈彥誠

夏鼎

梁叔剛

楊雲林

鄭山輝

顧文敘

趙友

高旭

於竹屋

趙從吉

顧叔潤

李彬

張南伯

陳希尹

林森

趙子深

鳳

卷之三

目錄

同文圖書館印

C. T. LEO & CO.
 41 EAST 57th STREET,
 NEW YORK, N. Y.
 U. S. A.

佩文韻府

卷五

謝子德

虞謙

衛靖

陳勉

謝宇

謝汝明

何澄

盧瑛

張祝

王田

孫隆

黃暹

王超

葉澄

戴進

戴泉

王世祥

方鉞

夏芷

夏葵

仲昂

謝環

倪端

石銳

李在

周文靖

周鼎

馬軾

商喜

商祚

韓秀實

林廣

陳景初

陳鳳

陳璣

楊子英

鄭時敏

鄭文英

張士達

林輔

鄭克剛

陸宣

顧應文

張渙

滕杲

莫臧

壺敏

曹侃

張錦

張鐸

許宏

俞鵬

劉瑜

周永新

周璿

蘇季雅

雷濟民

張子俊

裴日英

陳公輔

陳公佐

聞人紹宗

曹仲賓

彭舜卿

沈誠

傅禮

鄭春

鄭堂

佩文齋書畫譜卷第五十三

畫家傳九

元一

趙孟頫

趙孟頫字子昂號松雪道人湖州人官至翰林學士承旨謚文敏見書家傳以書名天下其

畫山水木石花竹人馬尤精緻元史本傳

他人畫山水竹石人馬花鳥優於此或劣於彼公悉造其微窮其天趣至得意處不

減古人楊載翰林學士趙公狀

趙文敏公畫入逸品高者詣神圭齋集

子昂作畫初不經意對客取紙墨遊戲點染欲樹即樹欲石即石許謙白雲遺集

陶宗儀曰嘗見公自題畫馬云我自幼好畫馬自謂頗盡物之性友人郭佑之嘗贈

余詩云世人但解比龍眠那知已出曹韓上曹韓固是過許使龍眠無恙當與之並

驅耳然往往閱公所畫馬及山水人物花竹禽鳥等圖無慮數十百軸又豈止龍眠

並驅而已哉輟耕錄

魏公書真行篆籀皆造古人地位復能以飛白作石金錯刀作墨竹則又古人之所

鮮能者鐵網珊瑚

趙榮祿少時繪事步武雲麾摩詰營丘皆縑素滄染之筆六研齋三筆

吳興畫法有唐人之致去其纖有北宋之雄去其獷

容臺集

趙雍

趙雍字仲穆文敏子也官至集賢待制同知湖州總管府事山水師董源尤善人馬

花石

國繪寶鑑

趙奕

趙奕字仲光號西齋孟頫子

見書家傳

以書畫知名

元史趙孟頫傳

趙鳳

趙鳳字允文

雍子

畫蘭竹與乃父亂真集賢每題作已畫故其名不顯

國繪寶鑑

趙麟

趙麟字彥徵

雍子

以國子生登第為江浙行省檢校善畫人馬

畫史會要

趙孟頫

趙孟頫字子俊文敏弟官至知州畫人物花鳥頗佳

畫史會要

高克恭

高克恭字彥敬

國繪寶鑑云號房山

其先西域人後占籍大同至元十二年由京師貢補工部令

史至大中大夫刑部尚書好作墨竹妙處不減文湖州畫山水初學米氏父子後乃

用李成董源巨然法造詣精絕歿後購遺墨者一紙率千百緡

藝文四集

房山老人初用二米法寫林巒煙雨晚更出入董北苑故為一代奇作然不輕於著

筆遇酒酣興發或好友在前雜取練楮研墨揮豪乘快為之神施鬼設不可端倪
柳貫待制集

高尚書山水人家多有之珍藏什襲其價甚高為大元能畫者第一青山白雲甚
有遠致
王士熙江亭集

高尚書嘗寫竹自題云子昂寫竹神而不似仲賓寫竹似而不神其神而似者吾
之兩此君也
梧溪集

克恭墨竹學黃華
圖繪寶鑑

趙集賢畫為元人冠冕獨推重高彥敬如後生事名家而倪迂題黃子久云雖不
能夢見房山鷗波特有筆意則高尚書之品幾與吳興埒矣高乃一生學米有不
及無過也
董其昌畫旨

錢選

錢選字舜舉號玉潭
李日華云又號葵峰雪川人宋景定間鄉貢進士元初吳興有八俊之號

以子昂為稱首而舜舉與焉及子昂被薦登朝諸公皆相附取宦達獨舜舉齟齬
不合流連詩畫以終其身人物山水花鳥師趙昌青綠山水師趙千里尤善作折
枝其得意者賦詩其上
書史會要

吳興錢選能畫嗜酒酒不醉不能畫然絕醉不可畫矣惟將醉醺醺然心手調和
時是其畫趣畫成亦不暇計較往往為好事者持去今人有圖記精明又旁附繆

詩猥札者蓋贗本非親作設親作亦非得意筆也 許謙白雲遺藁

舜舉善畫高者至與古人無辨嘗借人白鷹圖夜臨摹裝池翌日以臨本歸之主

人弗覺也湖之人經舜舉指授類皆以能畫稱 胡長孺汲仲集

張雨云吳興公早歲得畫法於舜舉舜舉多寫人物花鳥故所圖山水當世罕傳

珊瑚網

舜舉山水師趙令穰人物師李伯時皆稱具體趙文敏嘗從之問畫法 容臺集

李衍

李衍字仲賓世為燕人 圖繪寶鑑云號息齋道人薊丘人起家將仕佐郎太常太祝皇慶元年為吏部

尚書拜集賢殿大學士翰墨餘暇善圖古木竹石庶幾王維文同之高致而達官

顯人爭欲得之求者日踵門公弗厭也贈翰林學士承旨追封薊國公謚文簡 蘇天

西澗漁溪集

趙孟頫云吾友仲賓為此君寫真冥搜極討蓋欲盡得竹之情狀二百年來以畫

竹稱者皆未必能用意精深如仲賓也 松雪齋集

文與可蘇子瞻仙去二百年墨竹一派薊丘李公得之其用意命筆天趣冥會等

而置之未易優劣也 吳師道禮部集

李衍少時見人畫竹從旁窺其筆法始若可喜旋覺不類輒歎息捨去後從黃華

子澹游學已觀華所畫墨蹟又迥然不同乃復棄去至元初來錢唐得文同一幅

欣然願慰自後一意師之兼善畫竹法加青綠設色嘗曰墨竹畫竹皆起於唐自吳道子以來名家纔數人王右丞妙蹟世罕其傳蕭協律雖傳昏腐莫辨黃氏神而不似崔吳似而不神惟李頗形神兼足法度該備然文湖州最後出不異杲日升空爍火俱息黃鐘一振瓦釜失聲矣後使交趾深入竹鄉於竹之形色情狀辨析精到作畫竹墨竹二譜凡黏幘縑絹之法悉備

續弘簡錄

李士行

李士行字遵道集賢大學士薊文簡公之子謨詩字畫悉有前輩風致娛意翰墨泛舟江湖見疎篁老木斷渚崩崖輒推蓬艤棹臨觀游衍心與境合仁廟召之以所畫大明宮圖入見嘉其能命中書與五品官

滋溪集

李士行畫竹石得家學而妙過之尤善山水

圖繪寶鑑

李仲方

李仲方與李衍同時張伯淳題其墨戲云仲方嘗為仲賓作此墨戲

養心齋集

張遜

張遜字仲敏號溪雲吳郡人

鐵網珊瑚云嘗從黃冠游

善畫竹作鈎勒法妙絕當世山水學巨然則

不逮竹

畫史會要

溪雲張仲敏與李息齋同時畫墨竹一旦自以為不及息齋即棄墨竹而用鈎勒

鐵網珊瑚

張仲敏雙鉤竹往往得摩詰遺意其松石坡陀又有董北苑法同上

王伯時

王伯時早歲從學於張溪雲故其能事皆有師法鐵網珊瑚

陳仲仁

陳仲仁江右人官至陽城主簿善山水人物花鳥為湖州安定書院山長日與趙文敏論畫法文敏多所不及後見其寫生花鳥含豪命思追配古人歎曰雖黃筌復生亦復爾爾其見重如此圖繪寶鑑

陳琳

陳琳字仲美山水人物花鳥俱師古人無不臻妙見畫臨摹咄咄逼真蓋得趙魏公講明多所資益故其畫不俗論者謂宋南渡二百年工人無此手也畫史會要

張孔孫

張孔孫字夢符官至集賢大學士見書家傳工畫山水竹石續弘簡錄

趙淇

趙淇字元德圖繪寶鑑云潭州人號平遠又號太初道人故合而曰平初又云靜華翁忠靖公葵次子也七歲以郊恩補承奉郎舉

童子科至元十五年署廣東宣撫使入見世祖拜湖南道宣慰使贈湖廣行中書

省參知政事護軍追封天水郡公謚文惠嘗飄然有神仙之思斲琴度曲為文辭

圖畫以自樂遂終身焉道園學古錄

趙淇作墨竹長竿勁節風致甚佳 國繪寶鑑

和禮霍孫

和禮霍孫至元十五年命承旨和禮霍孫寫太祖御容十六年復命寫太上皇御

容與太宗舊御容俱置翰林院 元史祭祀志

劉貫道

劉貫道字仲賢中山人道釋人物鳥獸花竹一一師古集諸家之長故尤高出時

輩亦善山水宗郭熙佳處逼真至元十六年寫裕宗容稱旨補御衣局使 畫史會要

中山劉貫道畫悉宗晉唐故其於應真人物變化態度尤雅一展玩間恍然置身

入五臺國與阿羅漢對語眉睫鼻孔皆動真神筆也雖吳道子王維亦當無忝矣

珊瑚網

何澄

何澄 世祖時人岳柱方八歲觀畫師何澄畫陶母剪髮圖指陶母手中金釧詰之曰金釧

可易酒何用剪髮為也何大驚 元史岳柱傳

顧正之

顧正之不知何許人善墨竹學樂善老人有酷似處人莫能辨 國繪寶鑑

劉敏

劉敏字有功宣德青魯人太祖賜名玉出于出入禁闈授安撫使 元史本傳

劉敏善畫墨竹學顧正之有風煙夕翠圖傳於世 圖繪寶鑑

劉世亨

劉世亨 敏子夏文彦云字嘉甫 憲宗即位命劉敏與牙魯瓦赤同政敏請以子世亨自代帝許之

賜世亨銀章佩金虎符賜名塔塔兒 元史劉敏傳

世亨亦善墨竹 圖繪寶鑑

商琦

商琦字德符曹州濟陰人成宗召備宿衛授集賢學士泰定元年遷祕書卿善畫

山水 元史本傳

商琦山水師李營丘得用墨法墨竹自成一家 畫史會要

商濤

商濤字台元琦之從弟自號遜齋安恬不仕山水得破墨法窠石最佳 畫史會要

劉融

劉融字伯熙蘄丘人官至祕書郎善畫山水師郭熙 圖繪寶鑑

李澄叟

李澄叟湘中人自幼觀湘中山水長遊三峽夔門或水或陸盡得其態寫之水墨

甚有妙悟作山水訣一卷 畫史會要

金應桂

金應桂字一之號蓀壁錢唐人見書家傳畫學李龍眠嘗作巖居上真出塵觀音刻石書史

命要

史杠

史杠字柔明號橘齋道人官至行省左丞讀書餘暇弄筆作人物山水花竹翎毛

咸精到書史會要

郭敏

郭敏字伯達杞縣人幼讀書長好丹青工畫人物山水喜武元直畫師其意不師

其法至花卉墨竹亦臻妙官至州倅書史會要

李有

李有字仲芳先名立義燕人見書家傳官兩浙運司經歷善古木竹石書史會要

喬達

喬達字達之燕人官至翰林直學士善丹青山水學李成墨竹學王庭筠後更學

文同圖繪寶鑑

王英孫

王英孫字才翁號脩竹紹興人為宋將作監簿入元隱居不仕作墨竹蘭蕙雅潔

不凡書史會要

李侗

同文圖書館印

李侗字士弘號員嶠真逸官至集賢侍讀學士喜作墨竹宗文湖州

圖繪寶鑑

田行

田衍字師孟其先京兆醴泉人後徙太康再徙蒙城初以才選為中書掾歷主事員

外郎知河中府酷愛古書畫奇蹟真一時佳士

松雪齋集

田衍畫墨竹學王澹游頗得雅趣

圖繪寶鑑

張衡

張衡字士衡樂陵人為中書左司員外郎

見書家傳

山水學荆關墨竹不師古人自成一

家

畫史會要

王士熙

王士熙字繼學東平人官至御史中丞

見書家傳

善畫山水

圖繪寶鑑

班惟志

畫史會要圖繪寶鑑俱缺其姓從書史會要補入

班惟志字彥功號恕齋大梁人官集賢待制善墨戲

畫史會要

李章

李章字君章東平人

見書家傳

晚年畫墨竹有高致

圖繪寶鑑

王振鵬

王振鵬字朋梅永嘉人官至漕運千戶界畫極工緻仁宗眷愛之賜號孤雲處士

圖繪寶鑑

振鵬之學妙在界畫運筆和墨豪分縷析左右高下俯仰曲折方員平直曲盡其體而神氣飛動不為法拘嘗為大明宮圖以獻世稱為絕道園學古錄
王孤雲畫雖入纖細而格力超騰非院中人所能紫桃軒雜綴

劉伯熙

劉伯熙與趙孟頫同時孟頫題其所畫山水圖云籍甚丹青譽益知書畫功松雪齋集

楊叔謙

楊叔謙與趙孟頫同時孟頫農桑圖敘云延祐五年大學士臣邦寧大司徒臣源進農桑圖

上問作詩者何人對曰翰林承旨臣趙孟頫作圖者何人對曰諸色工匠提舉臣

楊叔謙上嘉賞久之松雪齋外集

俞子清

俞子清吳興人官侍郎俞琰題其山水圖云子清翁山水自是一等家數既經子

昂品題則夜光之璧不復為荆山石矣林屋山人漫藁

胡廷暉

胡廷暉吳興人寫山水趙文敏家藏小李將軍摘瓜圖歷代寶之嘗倩廷暉全補

暉私記其筆意歸寫一幅質公公大驚賞亂真由此名實俱進畫史會要

沈孟堅

沈孟堅畫花鳥師錢舜舉往往逼真圖繪寶鑑

畫家傳九

同文圖書館印

趙伯顯

趙伯顯善畫馬祖常有求趙伯顯畫家山圖詩石田集

柯九思

柯九思字敬仲號丹丘生台州人官至奎章閣鑒書博士博學能文墨竹師文湖

州亦善墨花畫史會要

九思畫竹木筆勢生動論者謂文與可後一人續弘簡錄

丹丘槎牙竹石全師東坡其大樹枝幹皆以一筆塗抹不見有痕迹處四友齋叢說

柯九思寫竹必儷以古木煙梢霜槭與叢篠相映亦有奇趣六研齋筆記

楊維翰

楊維翰字子固自號方塘越之暨易人筮仕郡文學帥府檄為慈溪邑校陞饒之

雙溪山長文嗜三蘇字帖喜雙井黃氏晚年游戲墨蘭竹石極精妙興至即揮灑

侍筆札者給弗之暇人求者無貴賤悉為作時監辨博士柯九思自以為弗及推

曰方塘竹云東維子集

朱德潤

朱德潤字澤民睢陽人著籍於吳秀異絕人讀書一過輒能記每以詩文自喜善

書札尤工畫山水人物有古作者風吳興趙文敏公子昂薦之馬太尉潘王表授

鎮東行中書省儒學提舉周伯琦朱府君墓誌銘

唯陽朱澤民詩師謫仙筆札師逸少畫則規矩出入李昭道父子之間馮子振海粟註

朱澤民為童子師時得許道寧畫謾爾塗抹適臻其能俞焯存復齋文集序

朱德潤畫山水學郭熙其合作者甚佳圖繪寶鑑

朱澤民畫蒼潤清逸在子久叔明之間六研齋二筆

杜本

杜本字伯原夏文彥云字弘文清江人見書家傳官至翰林待制元史本傳

杜本畫墨牛蒲萄甚可觀亦善山水圖繪寶鑑

宋敏

宋敏字好古應蕃隨錄云魏郡人善墨竹圖繪寶鑑

宋好古工寫竹石有進於明宗者明宗語左右曰此真士大夫筆天曆中為藝文

監照磨京師人名其竹為勅賜士大夫竹應蕃隨錄

房大年

房大年文宗時人文宗居金陵潛邸時命房大年畫京都萬歲山大年辭以未嘗至其地上

索紙運筆布畫位置令按藁圖上大年得藁敬藏之意匠經營格法適整雖積學專

工所莫能及輟耕錄

王淵

王淵字若水號澹軒杭人幼習丹青趙文敏多指教之故所畫皆師古人無一筆院

體山水師郭熙花鳥師黃筌人物師唐人一一精妙尤精墨花鳥竹石當代絕藝也
畫史會要

若水之畫天機溢發肖古而不泥古
珊瑚網

唐棣

唐棣字子華吳興人由茂才為吳江令能繪事嘗畫嘉熙殿壁為上所知
玉山草堂雅集

吳興唐侯子華以儒名江左其畫為人所貴重
揚翮佩玉齋類稿

子華學畫於松雪公得其華潤森鬱之趣
六研齋筆記

邵思善

邵思善號青門唐子華宰少寧得以筆墨給事左右嘗嗜畫學之有年遂大進幾能

與子華所為相埒莫可辨
佩玉齋類稿

郭昇

郭昇字天錫
雲煙過眼錄云字佑之號北山京口人畫竹木窠石
圖繪寶鑑

錫山弓河上玄元道館錫麓玄丘精舍天錫畫壁甚多
雲林集

郭天錫世家京口故其所畫全做米南宮最為得法
鐵網珊瑚

任仁發

任仁發字子明號月山松江人
見書家傳官至都水庸田副使以畫馬得名
畫史會要

任仁發善繪事嘗奉旨入內畫渥洼天馬圖著水利書十卷今人止稱任水監畫

馬蓋以藝掩之 六研齋筆記

石巖

石巖字民瞻京口人 見書家傳官至縣尹 書史會要

朱德潤有題石民瞻所畫山圖詩 存復齋集

范庭王

范庭王保定人善墨竹師樂善老人 畫史會要

柴楨

柴楨字君正東平人自號適齋善畫山水才思天賦不習而工 畫史會要

信世昌

信世昌字雲甫東平人自號中隱善畫山水學於沈士元有出藍之譽墨竹別成

一家蓋黃華之後又一變者也 圖繪寶鑑

胡瓚

胡瓚字元禮京兆人官至衡州路同知善丹青墨竹 圖繪寶鑑

韓公麟

韓公麟字國瑞號雪谷真定人為太醫副使善養生之學留情翰墨喜寫竹筆意

簡當殊有生意 圖繪寶鑑

牛麟

牛麟字伯祥太原人墨竹意亦蕭散

圖繪寶鑑

張德琪

張德琪字廷玉

見書家傳

畫墨竹梅花學王澹游有佳趣

圖繪寶鑑

劉德淵

劉德淵字仲淵官至藍山縣尹善墨竹學劉自然

書史會要

韓紹暄

韓紹暄字子華燕人官至御衣局使山水學武元直墨竹學樂善老人

書史會要

張敏夫

張敏夫燕人喜畫墨竹學顧正之

圖繪寶鑑

高吉甫

高吉甫燕人喜畫竹石宗劉自然亦無大過人者

圖繪寶鑑

周堯敏

周堯敏字禹卿號學山海鹽當湖人畫竹宗文湖州頗有得處

圖繪寶鑑

王鼎

王鼎字德新海鹽人好寫竹學丁子卿深悟筆意

圖繪寶鑑

王泰之

王泰之號竹趣

鼎

能紹父業

圖繪寶鑑

謝顯

謝顯字耀卿號隱麓大名人畫竹宗員一作尹大夫圖繪寶鑑

孫君澤

孫君澤杭人工山水人物學馬遠夏珪圖繪寶鑑

吳梅山

吳梅山工山水人物畫史會要

吳梅溪

吳梅溪工花鳥雜畫圖繪寶鑑

馮君道

馮君道錢唐人畫花竹翎毛性酷嗜鶴鴉每袖養之觀其飲啄以資畫筆圖繪寶鑑

楊月澗

楊月澗畫花鳥龍虎圖繪寶鑑

楊說巖

楊說巖畫道釋尤工寫貌圖繪寶鑑

許擇山

許擇山工畫神佛圖繪寶鑑

沈月田

沈月田工畫林木樹石

國繪寶鑑

朱梅間

朱梅間善畫花竹

國繪寶鑑

熊太古

熊太古亦善畫

劉瑋書畫史

吳古松

吳古松杭人山水學郭熙

國繪寶鑑

賈策

賈策字治安中州人嘗為杭仁和尹畫花竹禽鳥得其飛鳴翔集之狀

國繪寶鑑

顧安

顧安字定之

見書家傳

泉州路判官善墨竹

畫史會要

元統中淮東顧定之以寫竹得名行筆道勁風梢雲榦得蕭協律之法

朱德潤存復齋集

定之懸崖竹法文湖州

都穆寓意編

謝庭芝

謝庭芝字仲和號雪村平江崑山人善畫墨竹

國繪寶鑑

李升

李升字子雲號紫篔生濠梁人畫墨竹亦能窠石平遠

國繪寶鑑

盛昭

盛昭字克明揚州人竹石師文湖州

圖繪寶鑑

顧達

顧達一名達字周道中吳人畫山水人物并能寫貌

圖繪寶鑑

陳君佐

陳君佐宿州人居揚州山水師馬遠夏珪墨戲師徽廟

圖繪寶鑑

李容瑾

李容瑾字公琰界畫山水師王孤雲

畫史會要

林士能

林士能字若拙畫山水無渾厚秀潤之氣

畫史會要

朱裕

朱裕字敏道延陵人畫山水師李成

圖繪寶鑑

沈麟

沈麟字秋澗杭人畫山水學郭熙兼能寫貌

圖繪寶鑑

鄭禧

鄭禧字熙之

鄭元祐僑吳集作禧之

吳郡人

見書家傳

山水學董源筆法用墨清潤可愛墨竹禽鳥全法

趙文敏

畫史會要

張義上

張義上字師夔善畫山水 圖繪寶鑑

李士傳

李士傳字仲芳薊丘人山水人物學李伯時尤善摹徽廟墨戲 畫史會要

戴淳

戴淳字厚夫錢唐人善畫山水 圖繪寶鑑

吳奩

吳奩字從禮杭人臨摹院畫咄咄逼真 圖繪寶鑑

吳瓘

吳瓘字瑩之嘉興人多藏法書名畫能作窠石墨梅學揚補之頗有逸趣 圖繪寶鑑

吳瓘畫寒雀爪啄生動不下錢玉潭 珊瑚網

張文樞

張文樞字石隱湖州德清人幼嘗為僧能畫山水學巨然亦善墨竹 圖繪寶鑑

錢惟善送張石隱過東陽詩云餘不溪上張公子一日乘槎過婺州客遍江湖成

落魄才兼書畫擅風流 江月松風集

李沖

李沖字用之善畫山水學李成荆浩 圖繪寶鑑

張遠

張遠字梅巖華亭人山水人物學馬遠夏珪至於全補古畫無出其右臨摹亦能

亂真

畫史會要

陳鑑如

陳鑑如居杭州精於寫神國朝第一手也

圖繪寶鑑

陳芝田

陳芝田

鑑如子

能世其業

圖繪寶鑑

林伯英

林伯英嘉興魏塘人工畫花鳥師樓觀

圖繪寶鑑

周如齋

周如齋杭人畫山水學高房山

圖繪寶鑑

沈月溪

沈月溪華亭青村人以稜作為業畫山水人物學馬遠往往亂真人莫能辨

圖繪寶鑑

邊武

邊武字伯京京兆人

見善家傳

善墨戲花鳥

畫史會要

邊伯京為瑞應宮吳提點作枯木竹石圖

凌雲翰拓軒集

王迪簡

王迪簡字庭吉號叢隱越人善畫水仙

圖繪寶鑑

陶鉉

陶鉉號菊村金陵人畫山水師李成

圖繪寶鑑

謝佑之

謝佑之居都下善畫折枝傅色差厚蓋欲倣趙昌而未能升堂者

畫史會要

朱邱一作邱

朱邱蜀人善畫竹木

圖繪寶鑑

華岳

華岳善山水楊載詩云華岳能詩世有名學畫丹青亦疏放

畫史會要

潘桂

潘桂金陵人宋末張翼孫壻也善寫貌

圖繪寶鑑

戈叔義

戈叔義善畫墨竹

圖繪寶鑑

趙天澤

趙天澤字鑑淵蜀人畫梅竹

圖繪寶鑑

臧良

臧良字祥卿錢唐人畫花竹翎毛師王若水

圖繪寶鑑

夏迪

夏迪字簡伯温州人畫山水竹石畫史會要

王冕題夏迪雙松圖云夏迪畫松得松趣箇箇乃是廊廟具竹齋集

衛九鼎

衛九鼎字明鉉天台人界畫山水師王孤雲畫史會要

李希閔

李希閔字克孝薊丘人畫山水竹石圖繪寶鑑

王勝甫

王勝甫婺源人善傳神陳櫟定宇先生集

王起宗

王起宗畫山水樹石圖繪寶鑑

楊載題王起宗畫松巖圖云始知王宰用意高使人觀圖鄙吝消世間未必有此

景塗林變幻憑秋豪楊仲弘集

王奇峰

王奇峰善畫張伯淳題其所畫明秀圖云觀王君此圖曾次不止一丘一壑而已

當至元戊子己丑間識君於越後八年重逢知君道賈日起然則圖豈徒哉養蒙集

霍元鎮

霍元鎮規模董北苑米南宮父子寫山水雲物殊有標致道園學古錄

申屠子邁

申屠子邁善畫馬道園學古錄

旦景初

旦景初官僉司虞集題其畫云旦公山堂城東南畫圖古檜何甍甍城中無山有

山癖直藉豪墨窮幽探道園學古錄

鄭鏗

鄭鏗將樂人嗜學工詩尤長於畫延平志

陳立

陳立嘗畫龍眠山圖虞集題其後云蒼蒼龍眠山一士獨可尚高懷託千載妙畫羅

羣象道園學古錄

馬竹所

馬竹所善畫虞集有題馬竹所照磨捕魚圖詩道園學古錄

佟士明

佟士明工寫貌畫史會要

虞集贈寫真佟士明詩云佟郎居上京閱人如風花拈筆寫其似千歲留英華道園學

古錄

周怡

周怡善畫虞集有題周怡臨韓幹明皇出遊圖詩

道園學古錄

劉敏叔

劉敏叔工寫貌虞集云劉敏叔畫故端明潛齋王公於梅雪之間其高風勝韻如

在

道園學古錄

羅若川

羅若川善畫松虞集詩云莫春多雨晝冥冥羅生畫松當素屏老蛟化為劍氣黑

白鶴下啄蒼苔青

道園遺藁

聶空山

聶空山善畫虞集有題聶空山畫扇詩

道園遺藁

張明德

張明德官經歷范梈題其松石圖云張君畫手天下奇往者京城曾見之

德機集

王庭鈺

王庭鈺字良仲廣信人嘗汎彭蠡見龍見遂肆意墨龍悟解變化

揭文安公集

趙良佐

趙良佐字子有

見畫家傳善畫竹石

吳萊淵穎集

姚安仁

同文圖書館印

姚安仁善畫山水蒲道源跋其畫云余寓京師聞秋谷李韓公言昔嘗於奉元高左丞飛卿家坐間有畫師姚安仁適至高詢所為畫山水安仁應曰人言畫山水易事某甚以為苦每作一幅必往來胸中經營累日然後敢落筆亦如文字得題而苦思也當其未得時局促無聊雖囚之桎梏無以踰此及其豁然有得方脫然而釋矣高為之大笑觀其所作此幅僅三尺許渺然有千萬舉武之氣象其山川之開闔樹林之疎密樓閣之掩映景色之晦明石潤而雨冥水舒而空闊扁舟艤岸漁者必出或聚而分或挈而往其天趣之入眼恍然坐我於滄洲煙渚之間則古人之所謂畫工之辛苦并安仁所言不為過矣

蒲道源順齋集

李進臣

李進臣號綱齋蒲道源題南褒草亭圖手卷云褒邑之東宮曰玉虛旁有溪園地形爽塏仲巖道錄取乾坤一草亭語意誅茅構其上西鄉令綱齋先生李進臣為寫此圖

蒲道源順齋集

李肖巖

李肖巖善傳神蒲道源贈詩云畫師筆底要真似妙想乃與天機通肖巖後出獨超詣睥睨眾史如兒童

蒲道源順齋集

白汝明

白汝明字橫舟蒲道源有白汝明秋江晚渡卷詩

簡居叢書

王本中

王本中善畫薩都刺有題吳閑閑京館王本中醉作竹石壁上詩薩都刺鴈門集

劉伯希

劉伯希善畫傳若金題其所畫古木圖云劉侯學李成畫手稱獨步時見作古松

盤屈任形勢清江集

俞伯澄

俞伯澄與朱德潤同時畫士存復齋集

梅鼎

梅鼎淮陰人朱德潤有題淮陰梅鼎畫蜀山圖詩存復齋續集

李兼善

李兼善善畫李存詩云偶逢臨汝李兼善家世素儒心甚厚平生遊藝及山水兩

卷青囊常在手侯菴集

白賁

白賁善畫馬李存題其所畫二馬云數筆寫來千里意只今惟有白忻州侯菴集

彭南溟

彭南溟善傳神侯菴集

康月天

C. T. LOO & CO.
41 EAST 57th STREET,
NEW YORK, N. Y.

康月天官錄事善畫墨竹 俞琰林屋山人漫藁

俞巖隱

俞巖隱善畫魚龍相城靈應道院屏風俞巖隱畫 林屋山人漫藁

郎子雲

郎子雲畫明皇看馬圖 林屋山人漫藁

葉仲輿

葉仲輿善墨竹岑安卿有求葉仲輿寫墨竹扇面詩 栲栳山人集

陳俞

陳俞字舜卿號草亭進士善畫龍 江月松風集

劉尊德

劉尊德善琴工畫劉詵贈詩云劉郎善畫如鄭虔落筆飛雨大化懸 劉詵桂隱集

錙堯輔

錙堯輔善畫丁復題其所畫觀瀑圖云錙侯校書天祿閣向人輒作山水畫長巒

老樹翠蓋鼓轉瀑崩崖練花瀉 檜亭集

周伯寧

周伯寧隱於王官谷善畫 余闕青陽集

朱璟

朱璟字景玉愛梅其小字也人唯呼曰朱愛梅少時讀書郡齋郡學官有藏米元暉畫者日張壁上愛梅時從旁竊觀之至撻之不肯去久乃得其妙及長又愛高彥敬青山白雲之作遂合二公之法自成一家得意時即為之然祇以自娛也不為人所役

師山集

汪罕

汪罕官主簿

見書家傳善畫

師山集

周耕雲

周耕雲為蕭元泰畫龍虎仙巖圖

李孝光五峰集

褚冰壑

褚冰壑善畫牛

周權此山集

婁仲英

婁仲英善畫成廷珪題其所畫山居圖云近代幾人畫山水郭昇無人未敏死後

之作者徒紛綸得骨得皮誰得髓聞君埽却山居圖令我見之心獨喜

居竹軒集

王夢麟

王夢麟善畫成廷珪題畫史王夢麟卷云何人最得滄洲趣麟也於今稱獨步

居竹

軒集

盧師道

盧師道錢唐人畫學郭熙嘗寫溪山春霽圖秀勁不俗詹東圖玄覽

杜士元

杜士元字元甫畫學郭熙適勁朗暢而有逸氣詹東圖玄覽

從子龍

從子龍畫學郭熙純用搨筆豪爽而有奇致亦入於雅詹東圖玄覽

朱叔重一作仲

朱叔重吳人鐵網珊瑚云妻東人善繪畫虞堪鼓柷葉

朱叔重儒者而工畫每賦一詩得摹寫之妙輒肆筆繪之嘗曰王右丞水田白鷺

夏木黃鸝之詩即畫也李思訓數年吳道元一日其工夫學力所到者畫即詩也

鐵網珊瑚

尚雨

尚雨字仲彬善山水雜畫松石師郭熙墨竹瀟灑可愛山陰志

鮑敬

鮑敬字原禮善畫人物亦善花木禽魚嘗為人畫牡丹姿態天然畫牛得李迪法

山陰志

劉廣之

劉廣之燕人善寫墨竹圖繪寶鑑

沈雪坡

沈雪坡嘉興魏塘人好寫梅竹

圖繪寶鑑

姚雪心

姚雪心台州黃巖人畫墨竹宗文湖州

圖繪寶鑑

趙雲巖

趙雲巖温州人寓華亭青龍鎮花鳥設色有法亦善墨戲墨竹

畫史會要

王仲元

王仲元不知何許人專門花鳥尤善作小景得用墨之法温潤可喜

圖繪寶鑑

朱淳甫

朱淳甫濟陰人居曹之樂平坊世業丹青山水人物樹石俱精亦寫梅竹有佳致

圖繪寶鑑

焦善甫

焦善甫燕人工雜畫花竹人物尤善寫貌

圖繪寶鑑

顏輝

顏輝字秋月江山人善畫道釋人物

圖繪寶鑑

秋月畫鬼尤工筆法奇絕有八面生意

鮑翁家藏集

鄭彛

鄭彛官教授私謚孝莊善作草蟲蘭蕙人爭購之

紹興志

戴仲德

戴仲德績溪人善畫嘗寫駿馬於驛旁古祠壁馬見之皆辟易汪克寬稱其博洽而畫馬尤工幾奪造化徽州志

程政

程政績溪人能詩善畫山水人物兼花草翎毛徽州志

佩文齋書畫譜卷第五十四

畫家傳十

元二

黃公望

黃公望字子久輟耕錄云本姓陸繼永嘉黃氏其父九十始得之曰黃公望子久矣因而名字焉號一

峰又號大癡道人平江常熟人幼聰敏應神童科經史二氏九流之學無不通曉

開三教堂於蘇之文德橋後隱於富春王逢梧溪集云黃公望嘗據中臺察院後入道去山水師董源巨然晚年

變其法自成一家山頭多礬石別有一種風度畫史會要

倪瓚題子久畫云本朝畫山水石高尚書之氣韻閑逸趙榮祿之筆墨峻拔黃

子久之逸邁王叔明之秀潤清新其品第固自有甲乙之分然皆子斂衽無間言

者外此則非予所知矣清閔閣遺藁

唐棣云一峰道人晚年學畫山水便自精到鐵網珊瑚

黃公望畫入逸品其所作山水訣亦有理致

藝錄

公望居富春領略江山釣灘之概性頗豪放袖攜紙筆凡遇景物輒即模記後居常熟探閱虞山朝暮之變幻四時陰霽之氣運得於心而形於筆故所畫千丘萬壑愈出愈奇重巒疊嶂越深越妙其設色淺絳者為多青綠水墨者少雖師董源實出於藍

圖繪寶鑑

大癡畫格有二一種作淺絳色者山頭多礬石筆勢雄偉一種作水墨者皴紋極

少筆意尤為簡遠

清河書畫舫

元季四大家以黃公望為冠而王蒙倪瓚吳仲圭與之對壘

容臺集

王蒙

王蒙字叔明吳興人號黃鶴山樵趙松雪之外孫也素好畫得外氏法然不求妍於時惟假筆意以寓其天機之妙為文章不尚矩度頃刻數千言可就

王達善聽雨樓

諸賢記

王蒙山水師巨然甚得用墨法秀潤可喜亦善人物

畫史會要

叔明師王維穠郁深至

藝苑卮言

王蒙生平不用絹素惟於紙上寫之其得意之筆常用數家皴法山水多至數十重樹木不下數十種徑路迂迴煙靄微茫曲盡山林幽致

續弘簡錄

叔明自是寫圖手遠近位置歷然不為山林煙靄之所汨沒為陶宗儀寫南村圖

見鴨猫犬紡車春確家人器具一一畢備若子久渾厚雲林疎簡雖各極所擅而施之圖似終遜黃鶴六研齋二筆

王叔明畫從趙文敏風韻中來故酷似其舅又汎濫唐宋名家而以董源王維為宗故其縱逸多姿又往往出文敏規格之外若使叔明專門師文敏未必不為文敏所掩也容臺集

倪瓚

倪瓚字元鎮雲林其自號也雲林遺事云署名曰東海瓚或曰懶瓚變姓名曰奚玄朗或曰玄映別號五曰荆蠻民淨名居士朱陽館主蕭開仙鄉雲林子雲林多用以題詩畫故尤著畫史會

要云無錫人家故饒於資輕財好學嘗築清閬閣蓄古書畫於中人罕跡其所愛寫溪山

竹石攻詞翰皆極古意性甚狷介好潔絕類海岳翁畫史會要云素有潔癖人號曰倪迂尤善自晦匿盡

棄其所蓄扁舟獨坐與漁夫野叟混跡於五湖三泖間又類天隨子錢溥雲林詩集序

元鎮好僧寺一住必旬日篝燈木榻蕭然宴坐時操紙筆作竹石小景客求必與

一時好事者購之價至數十金壯年有巨幅雅宜山圖為當世所珍顧元慶雲林遺事

張士誠弟士信聞元鎮善畫使人持絹縑侑以幣求其筆元鎮怒曰子生不為王

門畫師即裂其絹而却其幣同上

雲林畫林木平遠竹石殊無市朝塵埃氣寫山水不著人物畫史會要

顧謹中云倪迂初以董源為師及乎晚年愈益精詣一變古法以天真幽淡為宗

所謂漸老漸熟者若不從北苑築基不容易到耳同上

元鎮極簡雅似嫩而蒼宋人易摹元人難摹元人猶可學獨元鎮不可學也

藝苑卮言

言

迂翁畫在勝國時可稱逸品古淡天然米癡後一人也

容臺集

雲林山水早歲學北苑乃自成一家圖繪寶鑑以為師馮觀觀闈人耳雲林負氣

節必不師其畫

同上

雲林山水著色者甚少間作一二繪染深得古法

六研齋二筆

吳鎮

吳鎮字仲圭號梅花道人嘉興魏塘人工詞翰尤善畫山水竹木臻極妙品不下

許道寧文與可與可以竹掩其畫仲圭以畫掩其竹為人抗簡孤潔其畫雖勢力

不能奪唯以佳紙筆投之欣然就几隨所欲為乃可得也故仲圭於絹素畫絕少

孫大雅滄蝶集

吳鎮畫山水師巨然其臨摹及合作者絕佳而往往傳於世者皆不專志故極率

略亦能墨竹墨花

圖繪寶鑑

吳仲圭本與盛子昭比門而居四方以金帛求子昭畫者甚衆而仲圭之門閭然

妻子頗笑之仲圭曰二十年後不復爾果如其言盛雖工實有筆墨蹊徑非若仲

圭之蒼蒼莽莽有林下風氣所謂氣韻非邪

容臺集

仲圭忍貧孤隱極不喜為人作畫至於寫像尤所靳者

六研齋二筆

盛洪 書史會要
作盛洪甫

盛洪字文裕子昭之父臨安人僑寓嘉興畫人物翎毛山水各臻工巧 鄒衡嘉興志補

盛懋

盛懋字子昭善畫山水人物花鳥始學陳仲美略變其法精緻有餘特過於巧 畫史

曾要

曹知白

曹知白字又玄 書史會要
云字貞素別號雲西華亭人至元中為崑山教諭意甚不樂遂辭去

隱居讀易或放筆圖畫掀髯長嘯人莫窺其際 松江志

曹雲西山水師馮覲筆墨差弱而清氣可愛 書史會要

吾松善畫者在勝國時莫過曹雲西其平遠法李成山水師郭熙蓋郭亦本之李

成也筆墨清潤全無俗氣 四友齋叢說

曹慶孫

曹慶孫字經善號安稚生雲西族姪官浮安教諭善畫 劉璋書畫史

張以文

張以文松江人董其昌云吾鄉畫家元時有曹雲西張以文張子正諸人皆名筆

畫禪隨筆

張中

張中字子正一作子政松江人畫山水師黃一峰亦能墨戲圖繪寶鑑

莊麟

莊麟字文昭江東人居京口書畫與郭界齊名鎮江府志

崔復

崔復趙雍婿有學行善繪事徐一夔始畫景

王珪

王珪字君璋嘗以材異辟同知辰州辭不起築室於虞山之間澄心觀道善鼓琴又工書布置繁密意趣幽遠號中陽老人鄧綬常藝志

朱玉

朱玉字君璧崑山人喜繪事閒佳山水每條然獨往永嘉王振鵬在仁宗朝以界畫稱旨玉從之遊盡得其技嘗奉命圖藏經佛像引首以進方不盈矩曲盡其妙而意度橫生不束於繩墨人言王君蓋不之過云朱珪名蹟錄

君璧作紫霧龍宮翠蓬神闕二圖十年始就人謂其妙入神品元季海寇犯境邑人棄家避難君璧獨抱二圖坐樓上寇遙望城中虹氣貫月蹤跡而至虹自君壁樓中出疑有至寶攘之見二圖大怒裂碎而去楊鐵崖名其樓曰虹月樓六研齋二筆

王繹

王繹字思善自號癡絕其先睦人居杭之新門年十二三已能丹青亦解寫真於

小像特妙著米繪法授人

輟耕錄

王繹長於小像不徒得其形似兼得其神氣

圖繪寶鑑

陶復初

陶復初字明本號介軒老人天台人

見書家傳

官台州儒學教授善墨竹師李蘄立父子

及著色竹甚佳亦能山水

畫史會要

陶宗暹

陶宗暹一名文昭

復初從子

字晉生官江浙儒學提舉書畫並擅一時

續弘簡錄

陳立善

陳立善黃巖人至正中為慶元路照磨工墨梅與會稽王冕齊名

程敏政篁墩集

陳處亨

陳處亨號方山立善子墨梅妙得其傳

篁墩集

郊韶

郊韶字九成吳興人至正中嘗辟試漕府掾不事奔競澹然以詩酒自樂自號雲臺散吏又號茗溪漁者日往來於玉山與諸君相倡和素不善畫偶捉筆為山水

圖爛熳奇詭坐客咸嘖嘖稱歎

雲臺集

趙元

一作原

趙元字善長山東人畫山水師董源

圖繪寶鑑

趙善長氏妙於繪事以荆關法為遜學周君畫天香深處圖

雲林遺集

趙善長山水雄麗可鴈行叔明其墨竹尤得簡貴一法

六研齋筆記

陸廣

陸廣字季弘號天游生吳人畫做王叔明落筆蒼古用墨不凡其寫樹枝有鸞舞

蛇驚之勢

畫史會要

陸天游在幼文雲西間以蕭散幽淡為宗

紫桃軒雜綴

陳植

陳植字叔方號慎獨癡叟

圖繪寶鑑云吳郡人

純行篤孝又能力學其為詩刻苦精練至於畫

思之盤礴裸跣山林泉石幽篁怪木各盡其變態然貴富以挾而求之者雖百金

不以予一筆

鄭元祐備吳集

陳植畫樹石甚有意趣

圖繪寶鑑

陳慎獨寫江浦樹石蒼莽疎宕有子久氣韻

六研齋筆記

崔彥輔

崔彥輔錢塘人號雲林生

見書家傳

與王蒙俱吳興趙氏甥畫亦超詣

陳善杭州志

毛倫

毛倫字仲庠諸暨人居貧自樂放情吟嘯或寫木石或作墨牛與遊者多名人或

勸之仕則張目不答

路問禮萬縵集

李中明

李中明工山水甚為鄉人黃鎮成所推

閩書

柴浩

柴浩字養吾永嘉人嘗寄跡於鄞師米南宮寫雲山煙巒變滅渾然天成

楊寔寧波

郡志

陳亦所

陳亦所失其名陳容四世孫亦善畫龍龍得容筆法

閩書

繆佚

繆佚字叔明侃弟能詩善畫嘗寫林塘圖倪雲林楊廉夫並為題咏

常熟志

徐愷

徐愷字士元一作主原湖州南潯鎮人畫山水師李成

圖繪寶鑑

曾瑞

曾瑞字瑞卿大興人羨錢唐景物之盛因而家焉志不屈物故不願仕自號褐夫

善丹青 鍾嗣成錄鬼簿

瑞卿工畫山水學范寬

圖繪寶鑑

曾瑞卿有神龍臥沙圖

劉詵桂隱詩集

周文質

周文質字仲彬其先建德人後居杭州學問該博文章新奇善丹青錄鬼簿

趙良弼

趙良弼字君卿東平人補嘉興路吏遷調杭州善丹青錄鬼簿

張觀

張觀字可觀松江楓涇人畫山水學夏珪馬遠特長於模倣畫史會要

可觀與吳仲圭遊故其筆力古勁無俗弱之氣太平清話

趙清澗

趙清澗淮人工畫人物仕女畫史會要

冷起巖

冷起巖居京師工傳神至正間嘗寫御容稱旨圖繪寶鑑

胡欽亮

胡欽亮烏程人以畫名湖州志

孟玉澗

孟玉澗名珍楊鐵厓有題孟珍玉澗畫岳陽小景詩字季生號天澤與胡欽亮同學善花鳥翎毛為當世珍重

尤長山水徐守綱烏程志

莫廷瑒

莫廷瑒歸安人與孟玉澗同時亦以畫名湖州志

姚彥卿

姚彥卿與孟玉澗同時亦能畫

圖繪寶鑑

姚彥卿寫山水師郭熙筆勁健而近熟乏高曠之趣

唐東圖玄覽

伯顏不花

元史作伯顏不花的斤

伯顏不花號蒼巖

元史作蒼崖

官至江東廉訪副使

見書家傳

工畫龍

畫史會要

赤盞君實

赤盞君實女真人居燕城畫竹學劉自然頗有趣

畫史會要

蕭鵬搏

蕭鵬搏字圖南本契丹人

見書家傳

詩書畫三事皆追宗黃華尤長山水亦善墨寫梅竹

畫史會要

丁野夫

丁野夫回紇人畫山水人物學馬遠夏圭筆法頗類

圖繪寶鑑

李康

李康字寧之桐廬人

見書家傳

書畫琴奕冠絕一時

續弘簡錄

周朗

周朗順帝時人至正二年七月帝御慈仁殿拂郎國進天馬勅周朗貌以為圖圖成揭傒

斯為贊 歐陽玄圭齋集

黎仲瑾

黎仲瑾號碧山工畫歐陽玄贈詩云碧山畫欲入神品

圭齋集

謝仲和

謝仲和善畫竹石郊韶題其畫云江南謝老獨風流愛寫晴雲竹樹幽絕似玉堂

殘月夜數枝晴雪映高秋

茗溪漁者集

何思敬

何思敬官祕書監丞戴良題其畫山水云至正以來畫山水祕監何侯擅其美帝

御宣文數名見抽毫幾動天顏喜有時詔許閱內儲名筆班班世所無王吳李范

已心識餘者山堆皆手摹

九靈山房集

崔旭

崔旭字行之張翥題其所畫雲巢圖云崔郎習次奇突兀興來從人索紙筆斯須

千峰萬峰出底用一石畫五日

晚菴詩集

金汝霖

金汝霖新安人才俊之士也薄聲名而慕閒曠從容山水間遊戲翰墨咸有深趣

自號曰藤溪釣叟李祁藤溪釣叟歌云有時欲寫蒼龍姿雷轟電掣風雨馳高堂

素壁見揮掃凜凜毛髮寒生肌有時直向梅花下弄筆搖豪恣描寫新條舊幹總

橫斜嫩蕊疎花亦瀟灑

李祁雲陽集

楊清溪

楊清溪善畫竹 雲陽集

吳伯昭

吳伯昭善畫黃鎮成題吳伯昭紅蓮綠幕圖云延陵公子昔稱賢畫手復見今道

玄黃鎮成秋聲集

楊文昭

楊文昭善畫貢性之詩云楊生好畫亦成癖醉墨淋漓不停筆遠山近水漫塗抹

鐵幹虬枝儼行立 貢性之南湖集

曾雲峰

曾雲峰善畫草蟲陳深題其畫云雲峰筆底超畦逕描寫草蟲得其性 寧極齋集

劉宗海

劉宗海善山水 劉水之山陰集

傅與礪題劉宗海山水歌云吾郡山水邑材藝皆絕倫昔時稚川善游戲妙墨往

往追前人後之作者非一士劉生妙年下筆親 傅與礪集

謝君績

謝君績官參軍郭鈺題秋江送別圖云問誰畫者謝君績 郭鈺靜思集

莫慶善

莫慶善工畫鷹郭鈺詩云筆力精到天機微莫生所畫詩我題

靜思集

馮文仲

馮文仲善畫姚文奐有題馮文仲畫秋亭野望詩

野航亭集

虞瑞巖

虞瑞巖善畫姚文奐有題虞瑞巖描水仙花詩

野航亭集

吳筠軒

吳筠軒海寧人舒頤題其山水窠木卷云松蘿山下延陵裔自號筠軒詠淇澳明
牕淨几泚霜豪暖日晴風弄蒼玉有時乘興寫山水復貌時人真面目一丘一壑
習次奇萬貌萬形心匠蓄

貞素齋集

宋元凱

宋元凱善畫鄭洪有題宋元凱畫溪山晚釣圖詩

鄭洪素軒集

倪驥

倪驥字子舉吳興人絕仕宦志登山吟水忽有所得則寫之於琴琴不足又寫之
於畫識者謂其畫與今高吏部爭拙法於海岳菴

楊維禎東維子集

葉可觀

葉可觀天台人嘗寫天顏被命為提舉梵像監

東維子集

葉清支

葉清支可觀子紹其家傳楊維禎送寫神葉清支序云清支嘗為子寫鹿冠吹笛之象

於五湖之間談者謂非徒得子形骨而又得子神明不在長康之下東維子集

謝伯誠

謝伯誠任陽人畫法絕軼得董北苑風致鐵崖集

李立

李立吳人其畫法多倣小李將軍嘗為顧阿瑛作玉山雅集圖張昇六中人物志

熊夢祥

熊夢祥字自得號松雲道人江西人見書家傳乘興寫山水尤清古無庸工俗狀玉山草堂

雅集

趙渙

趙渙字季文由憲掾陞湖州從事從政之暇放情詩畫皆為時所重玉山草堂雅集

陳貞

陳貞字履元錢塘人善畫劉璋書畫史

鄭元祐題陳履元所畫玉山草堂圖云故人陳孟公辭如春雲氣如虹畫法師海

岳山如騫鵬樹如龍玉山草堂雅集

張渥

張渥字叔厚畫史會要云號貞期生時用李龍眠法作白描前無古人玉山草堂雅集

張叔厚博學而多藝尤工寫人物貝瓊清江集

東宗庚

東宗庚字章孟吳郡人玉山草堂雅集

章孟善畫人物畫史會要

倪宏

倪宏字原道顧仲瑛題黃氏佳城圖云命畫生倪原道寫小圖於前鐵網珊瑚

邊魯

邊魯字至愚號魯生王逢梧溪集亦云宣城人官南臺巨使善墨戲花鳥畫史會要

魯生儒者畫名雅重江湖間烏斯道春草齋集

楊周卿

楊周卿善畫有金谷園圖胡布元音遺響

高暹

高暹善畫馬詹同贈詩云蜀人高暹能畫馬令人往往愁龍化凡支肉眼匪方歎世間誰是識龍者前年曉御慈仁殿拂郎之國天馬獻蘭筋虎脊渥洼姿長風西來起雷電侍臣傳敕貌真龍周郎為圖圖最工玉堂學士揭曼碩早朝奏賦蓬萊宮當時觀者集如堵勅賜金盤五色露天馬出馳海子東但見中天黑煙霧君不聞太宗奔虹赤玄宗照夜白唐初曾數江都王今之名畫亦難得吾聞高暹善草

書墨池向復飛龍駒黃鶴樓中獻馬圖藩王一見極所娛天機剪取雲錦段玉盃
分賜葡萄珠好去京師謁周郎應見揮豪九天上翠華所駕皆龍媒何事江南繪
屏障詹同天衢舒嘯集

林子文

林子文錢唐人以星術醫藥畫術遊食江湖蟻術詩選

陳肖堂

陳肖堂善寫照王冕竹齋集

毛楚哲

毛楚哲善畫葡萄丁鶴年集

董旭

董旭字泰初至正時人善畫有金焦圖傳於世書畫史

鄧覺非

鄧覺非善畫蘭龔肅存悔齋集

堵簡

堵簡字無傲能書畫官浙省掾張紳元賢翰劄疏

王逢寄堵無傲詩云新比鄭虔詩畫好草堂野趣莫辭揮梧溪集

焦白

焦白字任道本淮人遷長於吳材志不羈張氏初辭湖學教授避客泖海上興到作詩畫率不凡醉或濯風弄泉曳影月下俗目之迂自若也張亡在所蒐儒遂變名德乙郎浮寄冗食僧舍

梧溪集

瞿智

瞿智字睿夫婁江人博學善詩以書法鈎勒蘭尤妙絕累遷文學官攝紹興錄判

梧溪集

伯顏守仁

伯顏守仁蒙古氏為平江教授時張士信柄政守仁遂放遊九峰三泖間托寫竹石以自見志節在寒苦內士咸高之

梧溪集

徐貽

徐貽號醉墨生王逢贈詩云生也醉墨心醉畫落筆迴奪天人精首法米南宮繼習北苑董試臨老閤職貢圖頭飛鼻飲欲活動去年傳馬大夫黃冠野服賀監湖今年寫鍾進士絕行高名魯男子不圖木落黃龍灣寫我弄月扁舟間醉墨生復何有胸中魚鳥在沼園所願淳風化日回上為至尊千萬壽

梧溪集

束遂菴

束遂菴合淝人官學正王逢題其所畫君山醉月圖云束卿想像作此圖如見當

時眼為寤

梧溪集

沈復

沈復字復之嘉定人舊為僧名慧王逢題其所畫畹畝同芳圖云愛吟楚詞畫楚

蘭宿世應為獨醒客 梧溪集

費松年

費松年善畫王逢鴈門秋意圖詩序云郝雲表命松年寫此以寓鄉里之思 梧溪集

姚淡如

姚淡如 見書家傳 王逢有題姚淡如畫雙松平遠圖詩 梧溪集

王麟

王麟字文明山陰人王千戶振鵬麟之母姨夫以畫名於朝麟嘗從之遊故遂工

繪畫 劉基覆瓿集

陳彥德

陳彥德括蒼人劉基酬陳彥德贈畫歌云括蒼處士身姓陳小郎英俊尤可人欲

收大地入掌握筆意所到如有神 覆瓿集

張明卿

張明卿字子晦天台人 見書家傳 善畫竹石韻度清灑頗近文湖州 潛溪集

陳大倫

陳大倫字彥理其先居襄陽之宜城後徙居杭之萬松嶺屢試不中益攻古文詞

善寫竹樹蕭蕭有蒼勁之意寫已競取為清玩自號尚雅潛溪集

韓介玉

韓介玉張仲舉門人張羽題其畫云我識河東老詞客鶴骨伶俜長八尺白頭徒步拾公卿人生變化誰能測將軍跋扈山為傾公持寸管力與爭當時直氣動朝野至今文采傳諸生諸生白面今已老三載儒冠空潦倒罷歸百事無所為萬壑千巖恣揮掃丹山玄圃落眼前澗水松風鳴浩浩由來絕藝出天機肉眼紛紛爭醜好靜居集

支叔芳

支叔芳嘉興人世稱幽齋先生文藻高潔善繪事支子述餘

陳昇

陳昇順帝時人張靜居有陳昇畫馬歌畫史會要

王熙

王熙順帝時人胡儼有題故元端本殿臣王熙臨宋徽宗雪鴈圖詩願菴文選

趙希遠

趙希遠與王蒙同時王蒙香光居士圖筆勢飄舉皴法有極細者點苔用禿筆正鋒趙希

遠愛而臨之畫史會要

夏文彥

夏文彥吳興人後居雲間精圖畫著圖繪寶鑑五卷行於世 栗祁湖州志

黃周

黃周字仲文建陽人工墨竹元季擢本邑令尋判邵武 何喬遠閩書

田景延

田景延清苑人自幼有巧思山水人物花鳥下筆逼真尤工寫真 張才保定志

孔叔平

孔叔平未詳何許人 見書家傳 嘗為史官善畫古木竹石 書畫史

趙衷

趙衷字原初吳江人 見書家傳 號東吳野人善畫白描人物 書畫史

任子昭

任子昭仁發之子畫人馬能紹父業 書畫史

吳近仁

吳近仁號柳原能詩善畫山水 書畫史

陳可復

陳可復未詳何許人善畫 書畫史

方君瑞

方君瑞毘陵人畫草蟲宗僧居寧兼工花鳥 書畫史

金潤夫 金質夫

金潤夫名璧蘇州人畫山水人物學馬遠弟質夫工畫道釋人物

姜清叟

姜清叟不知何許人程文憲常作畫格贈之

陸厚

陸厚字景周號狂狷生工寫生花鳥

魏顥

魏顥字伯昂天台人工山水

葉梓素

葉梓素字楚材不知何許人善畫山水徐幼文曾題其畫

吳大素

吳大素字季章號松齋會稽人善畫梅有梅譜傳世尤能畫山巖水仙

于元鼎

于元鼎字仲實嘉興人善畫山水

閻驥

閻驥字仲彬餘姚人山水學郭熙

顧伯高

顧伯高定之子畫墨竹窠石得家傳書畫史

錢君用

錢君用毘陵人善畫禽鳥嘗作敗荷鷺鷥甚佳書畫史

趙安道

趙安道號西林善畫山水書畫史

金禹瑞

金禹瑞錢唐人王元章作詩贈之云錢唐有道金隱居風流不讓今古人文章學

古畫師古落筆正似螢之親書畫史

楊仲開

楊仲開不知何許人善畫王元章詩云楊君綽有隱者風鬚長骨瘦兩耳聾作詩

作畫不比意造化不與常人同書畫史

呂仲

呂仲善墨竹學李息齋書畫史

李士安

李士安至正間人畫山水學董元書畫史

李道行

李道行古魏人畫山水學郭熙書畫史

李師孟

李師孟畫山水學僧巨然書畫史

周翼卿

周翼卿嘉定人善畫道釋人物書畫史

湯有吉

湯有吉常熟人工寫生書畫史

李端

李端字彥章畫山水學李成郭熙書畫史

堵信卿

堵信卿毘陵人善畫草蟲書畫史

南宮文信

南宮文信字子中號懶心齋工畫墨戲禽鳥枯木竹石書畫史

張心田

張心田崑山人善書畫書畫史

孟仲良

孟仲良工畫山水書畫史

陳公望 莫士元

陳公望莫士元俱工山水

書畫史

金德謙

金德謙昆陽人工花鳥

書畫史

吳宗起 朱大年 吳若水

吳宗起朱大年吳若水俱工寫照

書畫史

李良心

李良心古魏人畫山水宗二米

書畫史

張定

張定號松巖嘉禾人善畫花竹翎毛

書畫史

鄭錄

鄭錄字克敬三山人畫枯木竹石

書畫史

朱肅

朱肅字敬之錢唐人畫枯木竹石平遠

書畫史

夏子言

夏子言不知何許人號聽鶴畫白描人物

書畫史

陳公才

陳公才至正間人畫山水宗米元暉

書畫史

曾勉

曾勉號楂居又號偃月齋楂溪人畫水仙山巒墨梅

書畫史

焦粲

焦粲順帝時人陳基題其山居圖云故人焦粲妙丹青為寫山居懸素壁

鐵網珊瑚

伍元如

伍元如延平人工山水愛作煙雲出沒竹木變怪之勢

延平志

沈瑞

沈瑞華亭人得畫法於黃公望常為楊維禎作君山吹笛圖木石幽潤山水清遠

人物器具點綴絕工

松江志

曹煥章

曹煥章號采芝生雲間人好古博雅善書畫

賴良大雅集

曹煥章善寫生往往逼真見者相視而笑常寫席帽山人像陶九成騎牛及濯足

圖

松江志

張英

張英字仁傑諸暨人善寫花鳥

戴冠紹興志

於務道

於務道毘陵人善畫

朱昱毘陵志

陳寶生

陳寶生字彥廉有才名作怪體詩兼善繪事交往多一時名流與黃子久尤契密

海鹽圖經

王立中

王立中字彥強吳人以蔭授開化尉列朝詩集云元末為松江太守長於詞善畫吳中人物志

立中為劉性功畫破牕風雨圖鐵網珊瑚

赤盞希曾

赤盞希曾肅慎貴族讀書為詩善鼓琴且工墨菊有新意張以寧翠屏集

陳岳

陳岳字甫申不著里籍隱居天台委羽山善書畫陸樹聲學士題跋

卞仲子

卞仲子佚其名善畫花木秋斯彬野志續編

卞珏

卞珏字仲寶仲子子見書家傳著色花木綽有父風野志續編

李通

李通鄉里莫考見元人畫冊都樓寓意編

張令

張令供其虞集題張令鹿門圖云張侯襄陽人深知襄陽樂十年宦學懷襄陽故托
豪謙寫山郭道園學古錄

喬戚里

喬戚里名字出處未詳畫梅竹石建安白鶴山嶽祠東廡中壁有其畫

畫史會要

自然老人

自然老人姓劉氏真定祁州人兵後居燕工墨竹禽鳥

圖繪寶鑑

牛老

牛老大名人自少居市廛間作絲絹牙郎號窩絲牛能畫墨竹得於巧性不師古

人亦麤可觀圖繪寶鑑

寫真張翁

寫真張翁居京城南年八十一神清眼碧蓋進於其技而無求於世以自足焉者

也柳貫待制集

簡生

簡生蜀人善山水圖繪寶鑑

虞集題簡生畫云簡生與我皆蜀人留滯東南凡幾春每拂齊紈作山水使我感

慨懷峨岷道園學古錄

何大夫

何大夫工畫人馬 畫史會要

虞集題何大夫畫馬云國朝畫手何大夫親臨伯時閱馬圖 道園學古錄

吉學士

吉學士工墨梅杜本詩云臨牕喜見橫斜影却有王孫翰墨香 清江碧嶂集

孫寫真

孫寫真 佚其名 李存贈孫寫真詩云平生嬾照鏡不自見其老孫子偶寫之嗒焉一枯

稿 侯椿集

馬郎中

馬郎中 佚其名 劉永之題馬郎中畫鶴云郎中畫鶴稱第一江海十年多見之 劉永之山陰集

水東山人

水東山人亡其名字奕父工山水 書畫史

沈處士

沈處士未詳其名精傳神 書畫史

蘇大年

蘇大年字昌齡以字行 揚維楨東維子集云號西閩別號林屋洞主 真定人僑居揚州元末官翰林編修避兵

居吳張氏開籬特見知遇用為參謀稱為蘇學士竹石師東坡松木師廉宣仲畫

家稱之 列朝詩集

夏汲清

夏汲清曹雲西僕也亦能畫 畫史會要

宋嘉禾

宋嘉禾上黨人伶優也畫人物學石恪減筆好作利市仙官和尚骨格態度俗工莫及亦能墨竹小景絕佳 圖繪寶鑑

王正貞

王正貞先名瓚字承之號竹齋又號筠溪杭人以宋內侍奉謝后北觀上命佩虎符一旦辭入道山水墨竹學毛勿齋 陳善杭州志

宋汝志

道士宋汝志錢唐人宋景定間畫院待詔入元為開元觀道士號碧雲人物山水花鳥師樓觀 畫史會要

張羽材

天師張羽材字國梁號薇山別號廣微子封留國公居信州龍虎山畫竹與龍 圖繪寶鑑

羽材善畫龍變化不測了無粉本求者鱗集晚年修道嬾於舉筆人有絹素輒呼

曰畫龍來頃之忽一龍飛上絹素即成畫矣 丹青志

佩文齋書畫譜

卷五十四

畫家傳十

三十一

同文圖書館印

張嗣成

天師張嗣成號太玄能畫龍亦嘗見其所畫廬山圖

圖繪寶鑑

張嗣德

天師張嗣德號太一畫墨竹禽鳥

畫史會要

方從義

道士方從義字無隅號方壺貴溪人

見書家傳

性好畫人以禮求之始為出其一二皆蕭

散非世人所能及嘗言太行居庸天下之巖險其雄傑奇麗皆古之名畫余所願

見者今皆見之而有以慊吾志充吾操吾非若世俗者區區而至也

余闕青陽集

方壺蓋學仙之類然者由無形而有形雖有形終歸於無形畫能如是其至矣乎

非仙者孰與於此

俟菴集

方壺畫山水極瀟灑峰巒高聳樹木槎枒雲橫嶺岫舟泊沙汀墨氣冉冉非塵俗

筆也遇興揮豪故傳世不多耳

圖繪寶鑑

方方壺品之逸者也

藝苑卮言

吳霞所

道士吳霞所居龍虎山善畫龍

畫史會要

張彥輔

道士張彥輔從玄德真人學道特精繪事為其友天台徐中孚用商集賢家法作

江南秋思圖

道園學古錄

張彥輔畫拂郎馬圖自出新意不受羈絆超軼之勢見於豪楮間

陳基夷白齋榮

張彥輔多居京師善畫山水

圖繪寶鑑

張雨

道士張雨字伯雨號句曲外史一名天雨號貞居子

見書家傳

錢唐人

書史會要

張外史素不善畫醉墨戲寫張洞奇石頗有一種逸韻

雲林集

張伯雨獨於畫未工或引敗筆點綴木石人物亦自賞適蓋論意不論象也

姚綬跋

卷集

伯雨善畫用筆古雅深得六朝氣韻使北苑復生不能為也

珊瑚網

簡天碧

道士簡天碧善畫有西山南浦圖

劉松槎翁集

虞集有贈道人簡天碧畫士詩

道園學古錄

馬臻

道士馬臻字志道別號虛中少慕陶貞白為人著道士服隱於西湖之濱手畫桑

乾龍門二圖傳於世

霞外集

馬虛中善畫花鳥山水

圖繪寶鑑

趙元靖

佩文齋書畫譜

卷五十四

畫家傳十

三十一

同文圖書館印

道士趙元靖不知何許人浪遊閩浙間以墨竹有名所至淋漓牆壁雖頗近繁重亦有可觀畫史會要

丁清溪

道士丁清溪錢唐人工畫道釋人物師李嵩王輝馬麟尤善寫貌陳善杭州志

王景昇

道士王景昇杭人居開元宮善畫道釋人物學王輝李嵩圖繪寶鑑

徐太虛

道士徐太虛不知何許人善畫山水圖繪寶鑑

盧益修

道士盧益修天台人善畫水仙學趙子固圖繪寶鑑

蕭月潭

道士蕭月潭淮人善白描道釋人物圖繪寶鑑

李道士

李道士佚其名宋无題南岳李道士畫雙龍圖云道士醉臥天柱峰睥睨石上千年之

老松松精相感入夢寐化作蒼髯雙老龍酒腸空洞生鱗角飛出兩龍醉不覺須

史霹靂撼五岳豐隆縮手不敢捉神靈頃刻歸虛無壁上但見雙松圖松邪龍邪

莫能詰棟梁霖雨藏禿筆宋无翠寒集

周惠

道士周惠字蘊古居龍虎山善畫龍

侯巷集

彭道士

彭道士侯其丁復有題茅山彭道士畫梅花仙子詩

檀亭集

莫起炎

道士莫起炎字月鼎幼習舉子業嘗三試弗利遂究心玄學放浪江湖間縱酒任狂往往作字類霞倚雲俛靈異惚恍使人莫測其所為至元戊子世皇徵如上京祈雪驗上悅賜上尊命典其教固辭歸吳

梧溪集

蕭得周

道士蕭得周號自愚翁善畫龍至今稱自愚龍有名蓋得之太玄子有傳受也

解

紹春雨集

郎玄隱

道士郎玄隱洮湖人居三茅山善畫蘭得明雪牕筆法

孔行素至正直記

鄒復雷

道士鄒復雷齋居蓬華琴書餘興以寫梅自樂得華光老人不傳之妙

鐵網珊瑚

鄒復元

道士鄒復元復雷楊維禎云雷鍊師與其兄復元皆能詩畫既見元竹復見雷梅

鐵

綱珊瑚

康鍊師

康鍊師善畫陳泰天嶽圖歌序云雲間康鍊師來自岳陽稱其友蔡素蟾好道之篤乃作天嶽圖以寄陳泰所安遺集

曾道士

曾道士善畫龍釋圓至贈玉龍曾道士詩云我求寫龍真畫仙許我不牧潛集

釋溥光

釋溥光字玄暉號雪菴俗姓李氏大同人見書家傳特封昭文館大學士賜號玄悟大師

山水學關仝墨竹學文湖州俱成趣畫史會要

釋溥圓

釋溥圓字大方號如菴俗姓李氏河南人雪菴法弟山水墨竹俱學黃華畫史會要

釋海雲

釋海雲墨竹學樗軒圖繪寶鑑

釋妙圓

釋妙圓墨竹頗有法度圖繪寶鑑

釋智浩

釋智浩號梅軒墨竹雖少蘊藉脫灑簡略得自然趣圖繪寶鑑

釋道隱

釋道隱字仲孺號月澗俗姓李氏蘭石學趙子固墨竹宗王翠巖當湖人也

海鹽

國經

釋允才

釋允才號雪岑受業嘉興石佛寺墨竹似丁子卿

圖繪寶鑑

釋時溥

釋時溥字君澤號兩巖華亭人通經律作詩亦畫墨竹三梢五葉而已

畫史會要

釋智海

釋智海居燕中善畫墨竹學海雲禪師

圖繪寶鑑

釋普明

釋普明號雪窓住承天寺以畫蘭與柏子庭齊名

吳中人物志

釋柏子庭

釋柏子庭嘉定人嘗講台教於赤城性好浪迹雲遊乞食村落對人不作長語間

雜諧詼喜畫石菖蒲題句甚多

弘秀集

釋維翰

釋維翰字古清江右人畫龍學所翁

圖繪寶鑑

釋慧甄

畫家傳十

三

同文圖書館印

釋慧甄善畫虞集有題慧甄腐瓜行蟻圖詩道園學古錄

釋絕照

釋絕照善畫龍俟菴集

釋性天然

釋性天然善畫龍林屋山人漫藁

釋枯林

釋枯林天台葉西澗丞相之後有才氣能詩以畫蘭名世頗勇俠或不舟渡水蓋

隱於浮屠者劉詵桂隱集

釋鏡塘

釋鏡塘善寫神貢師泰有贈寫神鏡塘上人歸京口詩貢師泰玩齋集

釋無詰

釋無詰善畫蘭竹雲陽集

釋南岳雲

釋南岳雲慈報寺長老畫山雲圖松圖梧溪集

釋蓮

釋蓮善畫王逢題其松檜圖云蓮公畫稱東吳精草蔓花房未嘗寫常州貌得劍

井松劍氣曠温相鬱蔥梧溪集

釋海

釋海字一舟長蘆人工畫人物

書畫史

釋宗瑩

釋宗瑩字仲默畫蘭蕙竹石亞於雪惣

書畫史

釋大訢

釋大訢字笑隱南昌人能詩善畫墨竹

書畫史

釋亮

釋亮字虛白崑山人墨竹枯梅宗文湖州

書畫史

釋用

釋用字汝舟工畫山水

書畫史

釋鑑

釋鑑字明仲號湛然住惠山寺善畫

書畫史

釋方厓

釋方厓墨竹浙瀝默坐對之如有聲

六研齋三筆

釋本誠

釋本誠字道元號覺隱元僧四隱之一品局高潔能書畫託稱蜀時圻翁筆而已
特題之然實其自筆也山水學巨然翎毛竹石俱有灑脫之韻是有得於道而籛

弄精光於筆墨間者

六研齋筆記

釋慧梵

釋慧梵字竺卿石門顧氏子受具澄寂院性至孝縛節奉母榜曰蓬居居側遍樹

梅水仙間寫二花亦極其妙得梵隆茂宗筆法

石門志

釋仲山

釋仲山順帝時人劉基題仲山和上羣魚圖云濠梁之樂誰能寫素蟻死後無畫者上人

安知身非魚援豪貌出態更殊

劉文成公集

釋樵枯子

釋樵枯子所畫羅漢雖非貫休比亦得其髣髴

關居叢筆

松菴上人

松菴上人善畫墨蒲萄傳與礪贈詩云南岳山僧工學幻空庭長愛翠娑娑若教

親見宛西種醉墨淋漓意更多

傳與礪詩集

瑞上人

瑞上人順帝時人劉基題其山水圖云上人性癖耽山水應是王維第二身

劉文成公集

管夫人

管夫人道昇字仲姬趙文敏室封魏國夫人

見書家傳作墨竹筆意清絕

書畫齋集

管夫人善畫墨竹梅蘭晴竹新篁是其始創寸絹片紙人爭購之後學為之模範

管夫人嘗畫懸崖朱竹一枝楊廉夫題云網得珊瑚枝擲向篔簹谷明年錦綉兒

春風生面目 畫史會要

管夫人亦工山水佛像 容臺集

李夫人

李夫人名至規號淡軒宋狀元黃朴之女長適尚書李珣子善撫琴畫蘭為郎中孫榮父作九畹圖自序其後云予家雙井公以蘭比君子父東野翁甚愛之予亦愛之每女紅之暇嘗寫其真聊以備門房之玩初非以此求聞於人也 王惲秋澗集

劉氏

劉氏號尚溫居士 見書家傳喜吟小詩寫墨竹效金顯宗亦麤可觀 畫史會要

蔣氏

蔣氏汴人完顏用之室婺居以清淨自守好作墨竹 畫史會要

張氏

張氏喬德玉室善寫竹 畫史會要

佩文齋書畫譜卷第五十五

畫家傳十一

明一

陳遇

陳遇字中行金陵人天資沈粹篤學博覽自名靜誠人稱之為靜誠先生上定金陵名見與語大悅三幸其第與官輒辭不就既即位再除翰林學士禮部侍郎禮

部尚書皆固辭鄭曉吾學編

靜誠先生善山水曾寫太祖御容妙絕當時金陵瑣事

陳遠

陳遠字中復一字中孚吾學編云善模寫人物過四明愛風尚敦厚遂家焉太祖召

寫御容為文淵閣待詔寧波志

陳中復先生少力學通易經歷宦江海晚寄居四明其所得者皆一發之於畫識

者謂其畫可比伯時林右公輔集

楊基

楊基字孟載號翁菴見書家傳其先蜀人徙居吳中官至山西按察使善山水竹石朱謀聖畫史會要

徐賁題楊孟載畫竹詩云君心飽有渭川思揮灑風煙意閑散北郭集

高楊張徐四先生惟太史不善畫寓意編

張羽

張羽字來儀更字附鳳號靜居見書家傳由潯陽徙居吳郡畫法米氏父子筆意最妙仕

終太常丞畫史會要

羽好著述工詩善畫名山藏

張來儀不獨能詩兼亦善畫曾臨高房山小幅感而作歌有云我縱有心嗟欲老又云乾坤浩蕩江湖闊縱我執筆嗟何從蓋深心於是者六研齋筆記

徐賁

徐賁字幼文見書家傳自蜀徙蘇州官至河南布政畫法董源畫史會要

賁善圖染有山澤間意名山藏

徐幼文畫山水林石濯濯可愛王穉登丹青志

宋克

宋克字仲溫長洲南宮里人見書家傳善寫竹雖寸岡尺塹而千筥萬玉雨壘煙生蕭然無

塵俗之氣丹青志

仲溫唯寫細竹嘗見其作雞栖石叢篠一幅題語極自滿意有藝成不覺自斂手之

句蓋謂不可復得也六研齋二筆

朱芾

朱芾字孟辨松江人官中書舍人見書家傳善山水白描人物畫史會要

王冕

王冕列朝詩集云字元章號煮石山農諸暨人屢舉進士不第竟棄去買舟下東吳渡大江入淮楚歷覽

名山川北游燕都既歸越攜妻孥隱於九里山善畫梅不減揚補之求者肩背相望

風入齊書畫譜 卷之五十五 畫家傳十一 三七 同文圖書館印

以繒幅短長為得米之差人譏之曰吾藉是以養口體豈好為人家作畫師哉皇帝取婺州將攻越物色得寃寘幕府授以諮議叅軍

宋瀟潛溪集

吳雲

吳雲字友雲宜興人

見書家傳

洪武五年拜刑部尚書

列御記

吳雲善畫山水

畫史會要

朱同

朱同字大同號朱陳村民又號紫陽山樵

見書家傳

官至禮部侍郎文才武略圖繪丹青無

所不精時稱為三絕

朱同覆詠稿附錄

張紳

張紳字士行

見書家傳

洪武中累官浙西布政善寫墨竹

劉璋皇明書畫史

詹儼

詹儼字以寬休寧人

見書家傳

洪武初官翰林學士畫馬師唐人亦工但少韻以故與松雪

分蹊水墨者勝

詹東圖玄覽

劉崧

劉崧字子高泰和人洪武三年以材學舉職方郎中出為北平按察副使十四年為

國子司業

吾學編

劉崧善寫梅竹集多自題詩

劉棖公羽集

邵誼

邵誼字思宜休寧人

見書家傳

洪武初訓導工山水尤精紅梅墨菊自號瓜圃鉅雲

萬姓統譜

邵孜

邵孜字思善誼弟聰敏能文善梅竹山水縣尹唐子華畫擅當時孜盡得其妙

萬姓統譜

統譜

章橫塘

章橫塘號丹霞仙客有稽古之學善畫蘭家貧鬻蘭為食不苟取與洪武初召拜

知府辭弗就宋濂以詩贈其行

栗祁湖州志

王行

王行字止仲避跡吳山之石湖稱淡如居士

畫史會要云疏半軒

梁國藍公薦於朝以其闕於

事不能用

張畧吳中人物志

王行喜潑墨成山水時人謂之王潑墨

畫史會要

顧祿

顧祿字謹中松江人

見書家傳

官太常典簿善雜畫亦能鉤勒竹

畫史會要

國初士人猶有前輩之風都喜學畫顧謹中經進集有自題畫竹詩

松事叢說

烏斯道

烏斯道字繼善慈谿人

見書家傳

國初為永新令善寫竹

春草齋集

朱應辰

朱應辰字文奎

本作文奎字應辰今從姑蘇志列朝詩集

號寄翁吳江人

見書家傳

洪武中舉明經授蘇州府訓導善

白描人物

畫史會要

唐肅

唐肅字處敬山陰人

見書家傳

洪武中供奉翰林文字書畫皆能嘗自作梅石圖賦詩題

之皇明書畫史

陸闓

陸闓字伯暘興化人

見書家傳

洪武中仕為楚府伴讀畫山水木石為當時所重

楊士奇東里集

陸顥

陸顥之弟

見書家傳

官禮部員外郎能畫人物與其詩字稱為三絕

畫史會要

陸瑄

陸瑄之子善山水人物花鳥草蟲雜品極其精妙以賢良方正辟舉

見書家傳興化志

陸琰

陸琰之子善唐馬蒼茫敗素時人獲之視為拱璧

興化志

陸錫

陸錫顥之孫瑄之子善花鳥有呂廷振之風能詩號東村外史

興化志

周砥

周砥字履道號翁溜生吳郡人

見書家傳

工畫山水

蘇州志

周翁溜善山水能於叔明大癡兩家法度外獨標平淡清遠之趣

紫桃軒雜綴

宋杞

宋杞字授之錢唐人舉進士國初以考禮召授官知全州未及任旅死於塗通易

於史學尤邃兼善畫

唐肅丹崖集

陸行直

陸行直字季衡吳江人

見書家傳

洪武中授翰林典籍詩畫清勁為人所稱

畫史會要

莘野

莘野字叔耕歸安人洪武初由本縣儒學訓導遷棗強知縣致仕後改麗波巡檢

卒官

環州集

張羽題莘野寒林云好畫誰如莘棗強墮馬折肱猶未忘何年寫此寒林趣精絕

未數左手王

靜居集

薛穆

薛穆字公遠號澹園吳江人

見書家傳

洪武中為郴州通判亦精於畫

畫史會要

虞堪

風文齋書畫譜

卷五十五

畫家傳十一

三九

同文圖書館印

C. T. LEO & CO.
41 EAST 57th STREET,
NEW YORK, N. Y.
U. S. A.

虞堪字克用一字勝伯宋丞相雍公諸孫也後家長洲好為詩兼能寫山水洪武
中為雲南府學教授 列朝詩集

馬琬

馬琬字文璧秦淮人少有志節尤工諸畫學春秋於鐵崖國朝仕為撫州知府 列朝

詩集

文璧工詩與書畫每遇佳山水必託之豪素有董北苑米南宮之法輒自題其左
時號三絕 松江志

華晞顏 一作希賢

華晞顏字以愚洪武初辟舉以老辭隱居東湖作詩畫自娛 昆陵人品記

華以愚善畫山水 無錫志

華以愚祖法巨然而奄有雲西幼文之趣蓋一時能手也 六研齋三筆

張文昱

張文昱金陵人洪武五年知邵武善詩文尤精於畫號蒲塘散人後官刑部侍郎

江寧府志

陳汝秩

陳汝秩字惟寅安貧力學工詩文性嗜古每購書畫傾貲弗惜洪武初以人才徵

至京師以母老辭歸 吳縣志

惟寅蘇門高士繪法宗唐宋傳采著色有李思訓李營丘之標致

六研齋三筆

陳汝言

陳汝言字惟允畫史會要云號秋水與兄汝秩齊名工詩兼善繪事洪武初以薦任濟南經歷

坐事免

吳縣志

惟允善畫山水宗趙魏公清潤可愛

皇明書畫史

惟允溪山秋霽卷全學董巨慈母手中線小幅全學馬和之

清河書畫舫

董荆

董荆字宗楚新昌人博學好古長於詩文尤善畫洪武十七年舉博學宏辭授縣

丞辭不就

莫且新昌縣志

董宗楚善畫解衣盤礴揮灑淋漓王維鄭虔之風蓋可追也

呂不用得月稿

徐敬

徐敬字敬仲清江人洪武中為監察御史歷官春坊喜寫墨梅為海內所稱重別

號梅雪

江西通志

沈元素

沈元素懷安人見書家傳工畫洪武初舉授本縣訓導後擢僉憲

何喬遠閩書

陳珪

陳珪字伯圭常熟人務學不仕師朱氏父子作山水筆意高雅頗自愛不輕為人

作洪武中嘗居京邸

蘇州志

陳允文

陳允文

書畫史云號寶齋

珪子居鄉有隱德能詩亦善寫生

蘇州志

朱祺

朱祺字孟祺行己方雅有高韻畫山水兼諸家所長名籍甚號拙菴居士

蘇州志

朱佐

朱佐字廷輔祺子精於人物

蘇州志

朱侃

朱侃字廷直祺子亦精人物山水師夏珪尤超逸

蘇州志

朱蒙

朱蒙佐子亦以畫名

蘇州志

王賓

王賓

貧士傳云字仲光吳郡人

隱晦不仕嘗於天平山作龍門春曉圖遂知名於繪事

吳中人物志

王履

王履字安道崑山人博通羣籍教授鄉里能詩文工繪事游華山作圖四十幅安道畫少師夏圭評者謂行筆秀勁布置茂密作家士氣咸備及游華山見奇秀天出乃知三十年學畫不過紙絹相承指為某家數於是屏去舊習以意匠就天

則出之 列朝詩集

張未起

張未起善畫元張師夔高弟洪武初有盛名兩浙清介凜然不苟接人 楊士奇東里續

集

周位

周位字玄素太倉人博學多材藝尤工繪事洪武初取入畫院宮掖山水畫壁多

出其筆 錢肅樂太倉州志

孫文宗

孫文宗字仲文祥符人善丹青尤善傳神洪武三年召至京傳寫太祖御容 李天麟

祥符志

盛著

盛著字叔彰嘉興人盛懋之姪能全補圖畫運筆著色與古不殊洪武中供事內

府 畫史會要

王直翁

王直翁字子愚少從周耕雲游耕雲專寫神畫得其術 春草齋集

章葆

章葆字德玉金華人蚤歲北游嘗仕祕府年七十餘流落梁宋間時寫翎毛花果

生意入神

程本立與隱集

沈希遠

沈希遠崑山人山水宗馬遠亦善傳神洪武中寫御容稱旨授中書舍人

畫史會

要

王仲玉

王仲玉洪武中以能畫召至京師

畫史會要

張彥材

張彥材善傳神楊廉夫常主其家為詩畫文

太倉州志

馬良

馬良字子善臨安人來學於吳因家焉自幼巧慧於繪事尤精晚移崑山嘗作四

天王像於僧寺甚奇特盧公武為作傳

吳中人物志

相禮

相禮字子先華亭人能詩善畫尤精於弈當世無敵洪武中召至京師厚賜遣還

誠意伯常為文贈之

松江志

相子先學黃大癡畫輒逼真

陳繼儒畫苑

王葯

王葯字子約金華人善畫竹多用鈎勒蘇伯衡嘗為鈎勒竹歌以美之

六研齋二筆

徐良甫

徐良甫

與王約同時

蘭溪人善畫梅

六研齋二筆

陳敬止

陳敬止清江人嘗有志於學問文章而尤寓意於畫鳥獸魚蟲之情性雲煙山水之變態莫不精究爲人傳形寫照猶能得其神

練安金川玉屑集

胡秋碧

胡秋碧海鹽人善傳神嘗欲畫楚石禪師像千幅畫將半而師化俄日本人至見之皆羅拜曰此吾國祖師也競以金售之秋碧由此致饒

海鹽圖經

許舟

許舟字子戴石門人工畫山水初學盛子昭後倣黃子久其得意處皆逼肖

石門志

朱月鑑

朱月鑑亡其名蘭溪人國初以善畫荷花得名所居之旁有小池可半畝許植荷數品作亭其上終日坐觀以察荷之生長榮悴苗葉花實容色態度爲之寫真筆

妙入神

陸鳳儀金華志

王立本

王立本嘉善人山水人物師梁楷山水則麤筆遠意有微茫煙雨之狀

嘉善志

王繼宗

風入齋書畫譜

卷五十五

畫家傳十一

四十二

同文圖書館印

王繼宗立本子畫師盛懋筆法精細

嘉善志

金潤甫

金潤甫畫史明初謫大理繪武安王廟壁大理之工畫自潤甫始

雲南府志

周孟容

周孟容嘉定人工寫神王常宗嘗敘其聚英圖

吳中人物志

楊彛

楊彛字宗彛餘姚人別號銀塘生

見書家傳

乘牛出入四明洞天遇風景林壑之美即箕

踞長嘯狀其草木水石題詩於上墨光動盪

紹興志

史謹

史謹字公謹少從倪瓚高啓游博學好古工詩什善丹青洪武末用翰林學士王

景薦授應天府推官左遷湘陰丞既謝政僑居金陵自號吳門笠樵

崑山人物傳

史謹長於寒林雪景

金陵瑣事

韓廡

韓廡字仲庶婺源人博學工書善畫號樵野

徽州志

胡唯

胡唯字貫道婺源人工詩善書尤善畫山水雲龍梅竹人稱三絕嘗採六經子史

之要詩文書畫之法名曰致和編永樂中訪求遺書其從子士沂上之

徽州志

鮑原禮

鮑原禮畫菜若生

書史會要

四明鮑原禮山水人物花鳥一卷國子博士臨安錢宰伯均為之序原禮無所見伯均在國初與宋景濂諸公俱以文顯

程敏政篋城集

浦源

浦源字長源工詩與福建林鴻為詩友號十才子尤善畫舉授晉府引禮舍人號

東海生

秦漢文圖錫志

浦長源雲林弟子善畫

吳隱集

陳太初

陳太初劉伯溫謂其善畫松亦能墨竹

書史會要

顧琳

顧琳號雲屋上虞人仕為知州讀書政治之暇游戲繪事為世所重

書史會要

吳郡顧雲屋工山水畫鄭山輝稱其有出塵之趣

宋玄僖庸庵集

呂不用題顧雲屋雲山圖云我識東吳顧文學早歲丹青動黃閣揮毫得意傲王

侯霜刮虬髯面如削

得月稿

趙仲容

趙仲容會稽人以繪事游山海間

庸菴集

李石樓

李石樓太守寫竹有書法

庸菴集

夏義甫

夏義甫鄞南人博學好古築室天目杜門隱居與張羽諸君子相為師友每有所得輒為吟咏又喜繪事天目山房圖蓋其得意筆也

東初湖州志

滕遠

滕遠吳郡人朱景春安分軒卷洪武辛酉滕遠畫

鑿網珊瑚

蔣月鑒

蔣玉泉

蔣月鑒金壇人善寫照子玉泉得其傳

謝應芳龜巢集

徐景暘

徐景暘南徐人工書史善吟詩旁通繪事有士韻而無俗姿一時賢公卿皆與之游有薦於朝者以母老不仕

宋濂學士集

李西山

李西山未詳何許人宋太史景濂嘗題其古木圖

皇明書畫史

蘇照

蘇照字明遠建安人為黃叔暘作墨菊圖侑之以竹石

宋濂翰苑別集

藍瑜

藍瑜盱江人宋濂題柏菴圖後云上黨馬君庭堅其幼也父名之以柏長遂築室而居曰柏菴及主事勲曹轉閩省檢校官不至菴中者頗久乃命盱江藍瑜畫爲圖時展玩之

翰苑別集

陳德顏

陳德顏松陽人善描真宋濂贈傳神陳德顏序云京都之間天下藝能之所萃止如德顏者什百之中僅一見焉

宋學士集

堵炳

堵炳字文明官郎中善畫山水

劉棧翁集

南溪耕漁圖刑曹郎中堵文明所作

貝瓊清江集

余仲揚

余仲揚善山水劉崧題其畫云金華仙人余仲揚筆墨蕭疎開老蒼

劉棧翁集

許如圭

許如圭太祖時人劉崧題許霍州如圭所畫譽溪圖云許侯作畫如作字點綴清妍極風

致

劉棧翁集

陳舉善

陳舉善泰和縣丞工山水

劉棧翁集

李克雋

李克雋兵曹善作墨竹

劉棧翁集

尚仲份

尚仲份善畫為陳孔碩作松岸輕舟圖

劉棧翁集

尚仲良

尚仲良太祖時人張以寧題其畫鷺卷云滄江雨疎疎翻飛一春鋤老樹如人立欲下意

躊躇明年柳條長遮汝行捕魚

翠屏集

茅澤民

茅澤民號耀叟高太史季迪題其夏山過雨圖云茅翁素有丹青才新圖一片似海岳高堂未展涼先來嗟余久逐揮汗客席帽障日趨黃埃問翁幾欲東游去如

此畫圖安在哉

書史會要

姚繼華

姚繼華以文學被徵任河間都轉運使張羽有題姚運使畫溪山仙館圖詩

靜居集

陳仲美

陳仲美太祖時人張羽題其夏木圖云陳郎筆力能扛鼎寫此千章夏木寒

靜居集

徐子修

徐子修善畫山水素凱題其畫云襄陽小米師董源妙處不受繩墨牽頃刻萬里皆自然房山尚書世稱賢化為白雲滿晴巔李家將軍極清妍畏避退縮不敢前

至今海內人爭傳卿惟得此二家意損益往往無留滯意思元居造化先筆力正在
蒼茫際海叟集

羅小川

羅小川豫章人善畫翠屏集

虞魯瞻

虞魯瞻太祖時人貝瓊題其所畫山水云御史新來水石工數峰依約米南宮試添茅屋

新林下著我江南鶴髮翁貝清江集

程玉泉

程玉泉太祖時人詹同題程玉泉竹云玉泉公子能寫竹曾動天顏丹禁中今觀此圖亦

清絕琅玕个个生秋風昔日輞川王摩詰後來吳興趙子昂古今名筆兩奇絕玉

泉欲與爭輝光天衢舒嘯集

錢均羽

錢均羽善畫丹崖集

李元中

李元中太祖時人唐肅題其畫竹云城南初識李姚江筆底風生鳳尾雙只許丹淵相伯

仲開門合受薊丘降丹崖集

毛元升

毛元升工畫花卉 皇明書畫史

唐肅題毛元升畫薔薇云色是昭陽第一人縷金衣薄不勝春毛生能畫非延壽不

得黃金也 逼真 丹崖集

俞景山

俞景山 太祖時人 錢宰題其所畫山水幃云俞君作畫時雅有山林癖朝登秦望山萬壑千

巖淨橫臆暮上香爐峰海色秋清上遙碧歸來放筆做董源筆底丹青浩無迹 臨安

集

錢叔昂

錢叔昂 太祖時人 唐肅停雲春思圖記云吳郡陸振文從事督府既而授官司廩於鳳陽同

府錢叔昂惜其行也乃託之豪素為圖以贈題曰停雲春思 唐肅自末稿

孫贊題錢叔昂瀟湘圖云錢郎毛骨清寫此兼眾妙 西菴集

袁子初

袁子初字叔言號雪齋上虞人流落江西寫梅得王元章法花多剜白不甚繁 戴冠

紹興志

顧囡

顧囡嘗為元官明初遁跡善繪事每見奇山水及樹石佳者瞪目微睇心與境會輒

恣揮灑初師董元出入諸家尤工設色亦號大癡 常熟志

朱士謙

朱士謙常熟人工寫人物設色精古畫史會要

俞凝清

俞凝清善畫董佐才題凝清小樓詩有畫幅遙臨列岫來之句賴良大雅集

朱自方

朱自方號夢菴臨江人家奉化性尚冲澹喜寫水墨山水晚年出入郭熙范寬而

自成一家畫史會要

胡仲厚 吳景行

胡仲厚吳景行俱鄞人畫青綠山水師董源亦自秘惜人罕得之張時傑寧波志

史均民

史均民善畫水仙寧波志

傅子英

傅子英善模寫人物寧波志

盧景春

盧景春字以和居城西繞屋種梅善寫花竹翎毛梅入佳品號燕居常熟志

蕭澄

蕭澄以畫水名嘗於波濤轉折處寓一蕭字或一澄字以為款識畫史會要

金黼

金黼字用文常熟人畫山水墨竹蘭石有佳趣號竹泉生

書史會要

范摹

范摹字行式涉獵經史善詩歌多藝能凡金石款識篆刻書畫之類皆能著其時代辨其真贋工畫山水人物筆力瀟灑立趣幽遠

嘉興府志

范川莊

范川莊崇安人家貧善丹青變態時出曲盡物狀國初有欲薦為金門畫史川莊自謀曰巖廊畫工必極天下之選豈易應邪徑游金陵訪金門畫客有程姓者范求見請曰川莊貧無以活生願身傭門下供薪水暇則洗硯研墨以執事左右程許之川莊觀其畫出已下一日味爽往汲奔歸驚愕口不能言若佯狂然程急詢之對曰適見羣怪不能形容請紙一幅貌之備寫幽怪屈伸奔跳牽挽之狀精入神妙程即下拜曰子吾之師也願執弟子禮范辭避遂遁去抵家歲暮無以供臘其鄰嘲之范曰吾有一鵝勞子市之鄰曰諾乃取紙畫鵝張翼威頸作將鬪狀鄰曰除夕矣孰用此也范曰汝候富家有鵝歸者汝黏之壁人必取之如其言兒童子驅鵝者隨之黏諸壁鵝見畫鵝即雄聲展羽作鬪狀既近畫遂戢翼垂頭而走主人重價求之相傳為神筆云

閩畫記

周是修

周是修吉水人善畫龍羅鶴應蒼隨錄

鄭恕

鄭恕字本忠仙居人見書家傳建文時知蕭縣善書畫吾學編

徐原父

徐原父金華人方孝孺畫梅贊曰潛溪公致仕家居時嘗以郡人徐原父所畫梅寄余兄希學筆法清勁有出塵之意方孝孺遜志齋集

姚廣孝

姚廣孝長洲人見書家傳幼名天禧至正間為僧名衍字志道靖難後為太子少師吾學編

少師自題畫竹云永樂六年夏六月余因病不出獨坐於壽椿堂之南牕忽想長洲舊業之竹歸心油然而生也故作短梢并詩以記其事云翠葉離離拂水雲凌霜勁節不同羣荒村寥落無人處誰謂茅菴有此君珊瑚網

戴冠題姚少師畫竹即次其韻云北地風高卷塞雲驚沙吹起鴈成羣客邊偶寫龍孫譜忘却江南有此君濯纓子集

胡儼

胡儼字若思號頤菴南昌人見書家傳官至國子祭酒以水墨禿筆寫羊鹿甚有生動亦

能竹石蘭蕙畫史會要

王璩

王璩字子璩長安人善畫山水人物花鳥畫史會要同文圖書館印

王璩字汝玉以字行號青城山人見書家傳其先蜀之遂寧人從父宦遊占籍吳中永樂時官翰林檢討直內閣能書亦能畫畫史會要

陳繼

陳繼字嗣初吳縣人從王行俞貞木游貫穿經學人呼為陳五經初開弘文閣用楊士奇薦召授翰林五經博士進檢討列朝詩集

陳嗣初以文章擅名翰林寫竹尤奇仲昭士謙皆師事之馮仙澗園繪寶鑑續纂

王紱畫史會要作市帶

王紱字孟端號友石又號九龍山人見書家傳高介絕俗沐黔公行金帛求畫謝絕之後忽作一幅遺其所厚同官轉致之曰姑以是塞黔公意毋言我為公也月夜聞鄰笛乘興畫幅竹訪遺之其人乃大賈喜甚與絳綺各二更求配幅却其幣手裂畫壞之畫竹為國朝第一名山藏

孟端善於繪事長江遠山叢篁怪石隨意所適無不妙絕王進友石先生詩集序

芾平遠竹石師倪雲林其合作者甚佳山水師王叔明自有一種風度畫史會要

文徵明曰友石先生畫品在能之上評者為作家士氣皆備然其人品特高能不為藝事所役雖片紙尺縑苟非其人不可得也珊瑚網

王孟端山水用筆精到超出幼文天游之上而與叔明並駕六研齋二筆

夏杲

夏昺字仲昭崑山人見書家傳以進士自中書舍人累進太常寺卿直內閣畫竹石師王

紱至遠夷亦購之名山藏畫家唯墨竹頗寓書法近時得其妙者莫過於毘陵王孟端舍人而夏太常仲昭嘗師之早歲類其筆意其後稍變而崑山之人師之者更數輩獨屈約處誠頗類之而今人家所得往往出其手也匏翁家藏集

夏太常畫竹為當時第一有夏卿一个竹西涼十錠金之謠所作竹枝煙姿雨色偃值濃疎動合桀度蓋行家也丹青志

夏昺

夏昺字孟暘太常卿仲昭兄見書家傳作畫師高房山平生不多作故世惟知太常墨竹

而不知孟暘莆田集

孟暘畫蕭蕭有林壑之氣仲氏有所不逮丹青志

張益

張益字士謙見書家傳與仲昭同郡同登第官至學士寫竹亦妙圖繪寶鑑續纂

張益初與夏昺同年及見陳嗣初王孟端俱善作文寫竹後昺見益作石渠閣賦出已上遂不復作益見昺竹妙絕亦不復寫竹竟各以其所能名世列卿記

錢復

錢復常熟人清逸不羈亦能書畫山水師董源入能品畫史會要

張緒

張緒字廷端常熟人

見書家傳

為會昌侯府教授墨竹亞於夏太常

常熟志

屈初

畫史會要作約

屈初字處誠能讀先世遺書隱居不仕喜畫山水多深遠穠麗之致嘗受竹於夏太常而太常故不喜向人寫竹欲見其揮染弗得也故張絹素於壁從太常飲俟其酣放時自為之太常既醉輒馳去公乃縱意潑墨為風雨竹數竿他日太常見而訝曰吾何從作此初以酒酣對太常諦視良久曰醉也乃忘結索筆掃數葉其頂上覺雨驟風旋竹情頓倍公乃自念吾終不能寫吾竹當作太常竹耳去學寫松遂臻其妙

崑山人物傳

吳璫

吳璫字惟貢崑山人畫竹師夏太常亦知名於時

崑山志

林垵

林垵字惟堅侯官人善墨竹及夏景出名遂稍遜

閩書

魏天驥

魏天驥字應祥善墨竹得夏仲昭正傳

興化志

朱孔易

朱孔易名寅以字行華亭人

見書家傳

永樂初以能書被選官至順天府丞亦善畫

松江志

易善山水寫東里少師歸田圖人稱絕筆

畫史會要

高廷禮

高廷禮初名棟字彥恢號漫士長樂人

見書家傳

永樂初為翰林典籍工書畫

名山藏

廷禮善書畫客有求者輒曰欲我作無聲詩邪世稱三絕

福建通志

廷禮善畫山水筆力蒼古墨氣秀潤得米南宮高房山之法自成一家

閩畫記

林銘

林銘字良箴長樂人號琴樂子工山水竹石得宋元遺意

閩畫記

金鉉

金鉉字文鼎別字尚素華亭人

見書家傳

作書畫皆造極詣

東里續集

金鉉山水做黃子久高房山

畫史會要

夏衡

夏衡字以平松江人

見書家傳

自中書舍人進太常寺卿作畫有黃子久之妙

圖繪寶鑑續纂

以平竹石亦精

畫史會要

鄭閻

鄭閻字公望閩縣人能詩善畫登永樂壬辰進士官至廣信教授

閩畫記

林遵性

林遵性名泉長樂人舉永樂甲午鄉薦隱居嶼南董山之下善墨竹

閩畫記

黃蒙

黃蒙字養正

溫州志云以字行

瑞安人

見書家傳

永樂中授中書舍人山水得黃子久筆意

畫史會要

鄭昭甫

鄭昭甫善畫有節操嘗有駙馬都尉偕郡馬王恭逼致圖其像投筆徑去因大哭

二公無如之何

解學士集

鄭昭甫閩縣人善山水兼寫真

閩畫記

王彥真

王彥真建安人善墨竹寫歲寒煙雨圖王典籍恭為之題詩

閩畫記

過儀

過儀字廷章

常州志云號聽松老人

無錫人善詞翰有司常薦於朝不就放情詩酒畫松特妙山水小景亦佳人以方之王紱

毘陵人品記

過永瞻

過永瞻儀子亦善畫松

常州志

周號

周號字德元號草庭崑山人

見書家傳

寫梅超絕王元章之後一人而已

方鵬崑山志

彭勗

彭勗字德勉號世竹周草庭之甥墨梅得舅氏之傳

皇明書畫史

茹洪

茹洪字仲宏一字樊明作窠石竹木法郭熙為山水氣韻奇古永樂中召入都名

重公卿間無錫志

卓迪

卓迪字民逸奉化松溪人見書家傳善寫水墨山水嘗師朱自方得其心妙而筆法精緻

實過焉永樂中召入翰林南京報恩寺湧壁有民逸筆云寧波志

蘇伯厚

蘇伯厚名坤建安之璜溪人見書家傳永樂時檢討書畫俱妙書史會要

高淮

高淮字秦仲號竹所又號采芹子長樂人水墨山水遠追房山近方漫士登永樂

丁酉鄉薦閩畫記

高景度

高景度淮之族子亦工山水福州志

周冕

周冕字服卿鄞人見書家傳善畫梅竹山水永樂中預修大典除正字遷右春坊號訥菴寧波志

波志

羅雅

羅雅字正伯沙縣人永樂間以歲貢爲戶部郎中歷官山東參政善山水高待詔題
羅正伯畫朱家山水云豫章賢俊裔二米是前身開畫記

周原慶

周原慶麗水人永樂間由人材授廣東程鄉知縣終刑部郎中畫得青山白雲之

趣又善松石何鐘括蒼志

朱亮

朱亮字伯亮東吳人善寫山水時不厭人之數求能別識古器物及畫格之高下

藉商以給衣食嘗汎舟江湖間自號曰商潛晚年置田淞南築室婁水之上又號

婁東散人張文僖公集

范暹

范暹字啓東號葦齋東吳人永樂中取入畫院花竹翎毛人多尚之畫史會要

啓東善花鳥有談論館閣名公多重之老於京師人稱范葦齋先生云水東日記

張子明

張子明彥材子亦善畫永樂間徵至京師有名公卿間太倉州志

蘇致中

蘇致中蜀人嘗官郡守畫山水宗馬遠夏圭行筆如草書法略不經意草草而成

亦得其妙非淺近所能及皇明書畫史

郭純

郭純永嘉人初名文通精繪事事太宗文皇帝賜名純擢營繕所丞洪熙初陞閣

門使

東里集

長陵於書獨重雲間沈度於畫最愛永嘉郭文通以度書豐腴溫潤郭山水布置

茂密故也有言夏珪馬遠者輒斥之曰是殘山剩水宋僻安之物也何取焉

水東日

記

郭文通充內供奉宣廟嘗面促之畫不即執筆以死怖之對曰苦書樂畫寧死不

能草草上為霽威

張汝弼東海集

郭純山水學盛子昭

畫史會要

郭鼎

郭鼎純之後亦善琴畫

王繼明温州志

謝晉

一作

謝晉字孔昭別號蘭庭生亦稱深翠道人晚自稱葵丘翁畫師王蒙趙原既精詣

則益以爛熳千巖萬壑愈出愈奇尋丈之軸不日而成畫遂名世

吳縣志

謝晉性耿介里人疾之以繪工起貢京師僑居金陵廿餘年以目眇放歸

列朝詩集

蘇復

蘇復字性初郡人仕綿州知州作畫師盛懋後宦游歸畫趣盡變舊習然不苟作

終歲不能脫一幘殆與孔昭遲疾不同矣

吳中人物志

章瑾一作

註瑾

章瑾字公瑾號采芝華亭人善草書尤長於畫師法夏珪馬遠蓋張可觀以後一人而已為人雅淡有高致日登山臨水所至成趣遇知己觴詠竟日畫或頃刻可成或數日不欲著一筆

水東日記

章瑾寫寒山拾得像春江送別圖皆不媿古人

松江志

吳子陵

書畫史作子麟畫史會要作子璘

吳子陵與章瑾同里善畫山水亦有名於時

松江志

子麟山水學盛仲昭亦能作枯木竹石

皇明書畫史

上官伯達

上官伯達邵武人善寫山水人物永樂間召詣京師直仁智殿作百鳥朝鳳圖帝

說之除官不受以年老請歸

福建通志

伯達神佛人物傳色既精神采亦備能使人起敬

圖繪寶鑑續纂

李福智

李福智釋道人物可繼上官伯達

圖繪寶鑑續纂

殷善

殷善字從善金陵人花果翎毛極清致

圖繪寶鑑續纂

殷偕

殷偕字汝同善子亦專其業畫史會要

蔣子成

金陵瑣事
作子誠

蔣子成宜興人圖繪寶鑑
云江東人善畫山水人物傅彩精緻尤長於水墨大士像永樂間徵

入京師時以趙廉虎邊景昭翎毛并子成人物為禁中三絕常州志

子誠幼工山水中年悔其習遂畫佛像為有明第一手金陵瑣事

子成善畫道釋人物嘗命畫真相賜番國名重當時畫史會要

有潘爛頭者浼子成作瘟元帥像久之弗與一夕名瘟帥至子成家子成恐旋畫

與之爛頭誚之曰神像舊所懸金字碑書出入天門四字君何易曰無拘霄漢子

成曰旬日每夕吾見神所懸者如此江寧縣志

趙廉

趙廉湖州人善畫虎人稱趙虎畫史會要

邊文進

邊文進字景昭沙縣人為入夷曠灑落善繪事尤精於花鳥永樂間召至京師授武

英殿待詔延平志

邊景昭善翎毛花果花之嬌笑鳥之飛鳴葉之正反色之蘊藉不但鈞勒有筆其用

墨無不合宜宋元之後殆其人矣圖繪寶鑑續纂

諸畫譜皆謂景昭為隴西人蓋邊姓舊出隴西題款或署其故郡遂至傳訛

圖繪寶鑑
作楚祥

邊楚芳景昭長子善花果翎毛後占籍錦衣

邊楚善

邊楚善景昭次子亦善花果翎毛工緻可愛

俞存勝

俞存勝景昭之甥畫師舅氏

張克信

張克信景昭之婿得邊氏粉墨門法遂為沙縣翎毛之祖

錢永善

錢永善花鳥宗邊景昭

阮福

阮福北海人道釋物像亞於子誠

胡隆

胡隆字必興蔣子誠門人工於神鬼

鞏庸

鞏庸字友常早從張世祿學丹青寫人物山水綵鸞隨筆有意永樂間應詔至京

名動公卿 馮栢陳州志

周庸

周庸字叔常常熟人徙家崑山精於丹青而好吟咏 皇明書畫史

沈遇

沈遇字公濟號懼樵吳縣人善山水淺絳丹青種種能之晚工雪景永樂末嘗召見歸以高年終吳原博曰余數過雅趣堂懼樵翁出見客衣冠雅而言貌古宛有前輩風雅非今世所謂畫史也 列朝詩集

沈遇水墨山水師馬夏淺絳法李唐深色摹趙伯駒皆逼真常好畫古忠節孝義之跡置坐間使人觀感有求者輒與之 吳縣志

張子絃

張子絃閩人工畫梅林膳部鴻有題子絃畫梅歌 閩書

袁廷玉

袁廷玉名珙以字行鄞縣人得相法於別古崖洪武間識長陵於潜邸登極後召拜太常寺丞於九流百氏靡不涉究好為歌詩人稱為柳莊先生 列朝詩集

嚴氏畫品有袁柳莊畫竹 珊瑚網

鄒明

鄒明字啓東善傳神得意時絲髮無不肖者 吳縣志

邊孟屯

邊孟屯沙縣人善山水人物 廷平志

陳撝

陳撝字仲謙武昌人永樂中寫太宗御容稱旨 書史會要

陳以誠

陳以誠秀水人善詩畫尤精於醫永樂間為太醫院判 書史會要

蕭以德

蕭以德道士蕭自愚姪善畫天神古佛菩薩 東里集

蕭士信

蕭士信以德之子以寫真遊兩京 東里集

蕭于喬 蕭于京

蕭于喬士信子益精其父之藝嘗至南京大夫士求之者眾弟于京來北京其藝

加精於寫貌酷似一時京師之寫真者皆稱其難臨摹唐李杜宋歐陽司馬周程

邵張及胡澹菴諸君子皆精妙 東里集

朱孟淵

朱孟淵閩縣人善畫人物番馬效李伯時獨得其奧 閩畫記

朱孟淵作西園雅集圖用水墨清韻灑灑可愛 東里集

NEW YORK, N. Y.
U. S. A.

馬景約

馬景約字自牧閩縣人善山水逼真高彥敬出入董米間峰巒結構煙雲變幻水木去就錯綜萬態談笑揮灑曲臻其妙與高廷禮王儼輩友善私謚曰安素先生

閩畫記

林景時

林景時長樂人自號虛白子工山水專學二米間效商高竹木林泉有意外趣

閩畫記

胡旻 胡昱 胡昂 胡昊

胡旻嘉興人父齋永樂中以善卜為刻漏博士旻及弟昱昂昊皆棄占筮而學畫遂以善畫名山水人物尤精

畫史會志

王毓

王毓字用賢鄞人嘗慕宋廣平林和靖之為人植梅庭下因寄之模寫標格勁瘦詩工於長歌隸書亦有新意時稱三絕自號香雪坡老人

張時徹寧波志

解琇

解琇與化人能旋佛光不以規矩成祖選繪報恩寺廊壁

興化志

解琪

解琪善山水人物雜科極其精妙號一壑

興化志

盛虞

盛虞字舜臣號秋亭無錫人慕其鄉倪徵君雲林之畫尤喜其秋亭野興一幅畢力摹之又取以為號其所作大都與王舍人孟端相上下因倨傲不輕與人作其蹟傳者遂少

六研齋二筆

王肇

王肇字開若侯官人修撰王褒子也永樂宣德間以文學屢徵不起少學詩於林鴻膳部學書於王偁檢討學畫於高棟待詔棟送肇詩有云玉堂笑我金壺墨北苑真源竟誰得好憑南鴈寄相思為寫吳航故山色今畫在人間百無一二

閩畫記

羅理

羅理真寧人工於畫每作動物儼有生氣魏國公嘗見所畫真武像願以百金購之

慶陽府志

張僊童

張僊童安化人少從羅理凡寺廟牆壁經其畫者咸稱神妙興教寺有羅漢十八幅并寒山拾得像儼然如生

慶陽府志

李時

李時字居中北京人善畫姚少師贈以詩云北苑當年下筆奇浪傳千載亦堪悲天機爛熳無人悟誰道燕山有李時

畫史會要

劉祥

劉祥字瑞初號雪溪長樂人精醫善畫龍虎閩書

林真士

林真士長樂人工山水與高棟友善棟題真士畫云楚雲天外數峰青春水桃花

滿洞庭落日樓臺明鏡裏欲停瑤瑟候湘靈閩書

顧寅

顧寅字叔明號友雲書畫史云又號無心蘇州人善畫山水竹石松樹畫史會要

孫寧題半塘寺潤公房顧叔明所畫松壁云顧君叔明善寫松妙趣直與韋偃同

片繡幅紙不易得人爭一觀清雙瞳列朝詩集

鄭彥初

鄭彥初閩縣人永樂初工墨梅閩書記

陸復

陸復字明本吳江人善畫梅自號梅花主人蘇州志

柴昆陵

柴昆陵成祖時人李孝謙題柴昆陵越山春曉圖云柴侯晚年天機精酒酣潑墨為予寫

中林集

趙迪

趙迪字景哲閩縣人工水墨山水師法二米王恭題其畫云濡豪不見米南宮墨
客猶傳寶晉風應有離情何處著盡隨殘雨上青楓可以知其風旨矣閩書記

林宏顯

林宏顯號洞陽山人長樂人工畫梅石筆力蒼古效楊補之王元章世稱洞陽梅閩書記

書記

李焮

李焮字純正號十洋長樂人善畫龍虎以能詩重閩書記

林質齋

林質齋閩縣人進士林珙之父善山水人物清幽瀟灑王恭賦無聲詩趣以贈閩書記

金文璉

金文璉字彥輝號筠石蘇州人有行義寫墨竹多喜作叢篠之類皇明書畫史

沈士廉

沈士廉嘗官御史善畫墨梅皇明書畫史

張德輝

張德輝字秋蟾號雲巢老人居慈谿大寶山麓少學畫龍飛雲驚電變化萬狀極
於神妙可追蹤陳所翁神祠梵宇古壁尚存其跡書史會要

薛績

薛績字汝嘉號古巖吳江人善山水畫史會要

范禮

范禮字宗嗣常熟人山水師馬遠常熟志

董常

董常嘉興人工道釋像筆力細而勁拔嘉興府志

王養蒙

王養蒙鄞人畫蒲萄障乘醉著新草履清墨亂步絹上就以爲葉布藤綴實天趣

自然畫史會要

羅汝文

羅汝文沙縣人善山水閩畫記

張德輔

張德輔長樂人善畫魚閩畫記

詹仲至

詹仲至福寧人善山水王修撰褒有題長溪詹仲至畫明月一方圖詩閩畫記

高維端

高維端號正翁高棟之族善畫蒲萄得陳天民體閩畫記

許俊

許俊金陵人畫道釋人物 皇明書畫史

李明遠

李明遠畫菊花 皇明書畫史

潘宗紹

潘宗紹吳江人業醫畫枯木竹石 皇明書畫史

魏以敬 畫史會要
作魏敬

魏以敬善畫花竹禽鳥 皇明書畫史

鄭克修

鄭克修清江人工畫人馬雖未能追迹古人殊無塵俗氣 皇明書畫史

何景高

何景高不知何許人畫界畫宗朱君壁 皇明書畫史

洪澤

洪澤不知何許人畫道釋人物 皇明書畫史

恂懋菴 畫史會要
作穆菴

恂懋菴工墨梅 皇明書畫史

黃希穀

黃希穀不知何許人工畫松 皇明書畫史

王恭

王恭杭人畫山水宗馬遠無大過人者亦自可觀

皇明書畫史

張世祿

張世祿儀封人善畫山水人物道釋名重當世亦精寫照

皇明書畫史

胡元素

胡元素不知何許人工畫山水

皇明書畫史

趙壽

趙壽字南山工畫人馬

皇明書畫史

劉憑

劉憑不知何許人畫古木

皇明書畫史

姚繼宗

姚繼宗淮揚人善寫照

皇明書畫史

董太初

董太初未詳何許人善畫山水客死天台

皇明書畫史

盛叔大

盛叔大不知何許人畫山水學盛子昭

皇明書畫史

沈觀

沈觀字用賓錢唐人畫山水學馬遠盛子昭亦工雜畫

皇明書畫史

汪文

汪文不知何許人工畫花鳥頗善設色殊欠生動

皇明書畫史

李子安 弓力本

李子安弓力本俱常熟人善傳神

皇明書畫史

史政 李芳

史政揚州人李芳雲中人俱能寫照

皇明書畫史

許端

書畫史
作端

許端工於畫龍但無蜿蜒飛動之勢

書畫史會要

季賓

季賓字汝和紹興人官主事善畫菊花

書畫史會要

呂端俊

呂端俊善畫竹

書畫史會要

呂敬甫

呂敬甫毘陵人畫草蟲師居寧

書畫史會要

朱孟約

朱孟約臨川人善畫蘭蕙竹石

書畫史會要

倪宗器

倪宗器江右人善畫蘭畫史會要

睦坦

睦坦字履道京口人善畫山水畫史會要

吳歸山書畫史作歸吳山

吳歸山善畫花鳥畫史會要

王元道

王元道越人工於山水畫史會要

曾沂

曾沂善畫水畫史會要

沈吳

沈吳字士偁號吳翁吳興人山水宗胡廷輝稍變其法尤工雜畫畫史會要

陳九成

陳九成吳興人山水師沈士偁亦工花鳥畫史會要

沈彥誠一作彥成

沈彥誠錢唐人山水宗高房山畫史會要

夏鼎

夏鼎蘇州人善白描人物亦工山水 畫史會要

梁叔剛

梁叔剛工小景山水 畫史會要

楊雲林

楊雲林工花鳥 畫史會要

鄭山輝

鄭山輝工畫蘭 畫史會要

顧文敘

顧文敘蘇州人山水宗盛子昭 畫史會要

趙友 書畫史作斌

趙友括蒼人工花鳥 畫史會要

高旭

高旭莆田人善畫山水 畫史會要

於竹屋

於竹屋畫墨梅 畫史會要

趙從吉

趙從吉號雲齋善畫墨梅 畫史會要

顧叔潤

顧叔潤常熟人山水學盛子昭畫史會要

李彬

李彬字文中四明人工寫意人物畫史會要

張南伯

張南伯工墨梅畫史會要

陳希尹

陳希尹善寫照亦能畫虎畫史會要

林森

林森清江人工山水畫史會要

趙子深

趙子深清江人工山水畫史會要

謝子德

謝子德工山水兼工花鳥亦能傳神畫史會要

虞謙

虞謙字伯益書畫史云號玉雪金壇人洪武乙亥繇太學生擢刑部郎仁宗即位拜大理寺

卿以詩名於時喜寫山川木石幽淡簡遠有倪雲林風致東里集

虞謙詩文政事為世推重家多蓄法書名畫公餘寫金錯刀竹

書史會要

衛靖

衛靖字以嘉崑山人官中書舍人善畫枯木竹石

書史會要

陳勉

陳勉字進之

見書家傳

為工部員外郎寫山水初倣王孟端後法夏珪俱妙

泰錄又無錫志

謝宇

謝宇字伯寬號容菴湖廣衡陽人宣德中以中書舍人直內閣累進工部左侍郎掌通政司事山水法諸大家花木鳥獸無不能者皆到妙處

圖繪寶鑑續纂

謝汝明

謝汝明字晦卿號東巖謝字仲子官中書舍人亦善山水

圖繪寶鑑續纂

何澄

何澄字彥澤江陰人永樂癸未舉於鄉同知蘄州遷刑部郎中改文選謫武當宣

德間以薦擢袁州牧號竹鶴老人工繪事每月出梯牆望平楚蒼茫之景天欲雨

扶杖登山眺羣峰大江煙雲鬱滃狀然後參以意匠飛灑縑緙神韻生動不減房

山巨然

江陰志

何澄作梧竹蒲石尤佳

常州志

澄山水宗米元章煙雲滿紙用墨亦佳然未脫去浙中之派

書史會要

盧瑛

盧瑛字克修宣德五年進士工墨竹夏太常每語人吾墨竹一派近在玉潤瑛太

常壻也終刑部主事 崑山人物傳

張祝

張祝字起韶號賜閒長洲人宣德五年進士官大理評事終保定知府工畫竹石

張氏世譜

王田

王田字舜耕山東濟南人以縣佐請老歸田材敏喜為樂府詞膾炙人口遠近傳

播山水學高房山不失矩度者 圖繪寶鑑續纂

孫隆

孫隆字從吉 珊瑚網云號都廢興陵人 為新安知府作梅花得會稽王冕筆法 東里續集

孫隆寫禽魚草蟲自成一家號沒骨圖 珊瑚網

黃暹

黃暹字孟東莆田人為祁陽縣儒學訓導善書畫能吟咏 劉敬祁陽縣志

王超

王超字景昇宜興人衣冠朴雅風致可並古人善畫適意處輒題寫人爭求之 毘陵

人品記

葉澄

葉澄字原靜其先吳人畫山水做董北苑戴文進之師也

游居錄

戴進

戴進字文進

圖繪寶鑑云號靜庵又號玉泉山人

錢塘人臨摹精博為本朝畫流第一宣廟善繪事一時待

詔有謝廷循倪端石銳李在皆有名及進入京眾工妒之一日仁智殿呈畫進首幅為秋江獨釣圖一紅袍人垂釣水次畫家惟傳紅色最難而進獨得古法廷循曰此畫佳甚恨野鄙耳宣廟叩之對曰紅品官服色也用以釣魚失大體矣宣廟領之遂揮去餘幅不復閱放歸以窮死死後而人始重之

名山藏

戴進山水得諸家之妙大率模擬李唐馬遠居多神像人物走獸花果翎毛俱極精緻而神像之威儀鬼怪之勇猛衣紋設色重輕純熟亦不下於唐宋先賢也至於臨仿舊人而無款者法眼觀之莫辨真偽此能品也

圖繪寶鑑續纂

戴進喜作蒲萄以配鈎勒竹蟹爪草奇甚

同上

戴進畫尊老用鐵線描間亦用蘭葉描其人物描法則蠶頭鼠尾行筆有頓挫蓋用蘭葉描而稍變其法者自是絕技遠出南宋以後諸人之上山水師馬夏者亦稱合作乃院體中第一手

何良俊四友齋叢說

戴泉

戴泉字宗淵進子山水得其家傳

畫史會要

王世祥

王世祥進壻亦善畫稍勝於泉畫史會要

方鉞

方鉞與戴進同邑學進畫已造閫域惜其早卒評者謂戴門顏子名山藏

夏芷

夏芷字廷芳錢塘人從游戴靜菴克勤於學筆力逼其師國繪寶鑑續纂

芷善畫山水風雨圖甚佳畫史會要

夏葵

夏葵字廷暉芷弟山水人物皆工緻國繪寶鑑續纂

仲昂

仲昂杭人親學戴門筆力雄健得意之作亦能亂真畫史會要

謝環

謝環字庭循永嘉人知學問喜賦詩吟咏自適善畫師張未起馳名於時永樂中

召在禁近宣宗妙繪事供奉之臣特獎重庭循恒侍左右進官錦衣千戶東里續集

謝廷循山水宗荆浩關仝米芾畫史會要

倪端

倪端字仲正善畫道釋人物山水宗馬遠亦工花卉畫史會要

石銳

石銳字以明錢塘人畫得盛子昭金碧山水界畫樓臺及人物皆傅色鮮明溫潤

名著於時 圖繪寶鑑續纂

李在

李在字以政莆田人山水細潤者宗郭熙豪放者宗夏珪馬遠多摹倣古人筆氣

生動四方貴其尺縑宣廟時與戴文進謝庭循石銳周文靖同待詔直仁智殿 閩畫記

李在自戴文進以下一人而已有夏禹開山治水圖傳世 畫史會要

周文靖

周文靖閩人善山水蒼潤精密筆力古健醞釀墨色各臻其妙山水學夏珪吳鎮

人物花卉竹石翎毛樓閣牛馬之類咸有高致宣德間以陰陽訓術徵直仁智殿御

試枯木寒鴉第一授大庾縣典史歷官鴻臚序班 閩書

周鼎

周鼎文靖子亦善畫徵襲錦衣衛鎮撫 閩書

馬軾

馬軾字敬瞻嘉定人明天文宣德中任欽天監刻漏博士旁精繪事與戴文進謝

廷循同擅畫名於京師 吳中人物志

馬軾畫宗郭熙高古有法 列朝詩集

商喜

商喜字惟吉善山水人物畫虎得其勇猛之勢宣廟中授錦衣衛指揮

畫史會要

商喜山水人物花木翎毛全摹宋人筆意無不臻妙超出眾類故明初士林之所

首重也

圖繪寶鑑續集

商祚

商祚字天爵喜孫能世其學

圖繪寶鑑續集

韓秀實

韓秀實涿州人與商惟吉同被寵渥人物亦佳尤善畫馬

畫史會要

林廣

林廣廣陵人山水人物學李在得瀟灑活動之趣

圖繪寶鑑續集

陳景初

陳景初號草庭海鹽人善繪事與錢塘戴文進同時筆法亦類之蒼老可愛

海鹽圖經

陳鳳

陳鳳景初孫尤善李伯時白描

海鹽圖經

陳幾

陳幾字天器初受業陳景初後游錢塘故家多戴進名蹟由此入悟所繪山石雲

樹各成一家尤工寫照

海鹽圖經

楊子英

楊子英傳陳璣術亦有名

海鹽圖經

鄭時敏

鄭時敏將樂人善山水宣德間應召至京稱旨官錦衣衛鎮撫

延平志

鄭文英

鄭文英

延平府志云時敏從子

工人馬學趙承旨頗得其大略

閩書記

張士達

張士達長樂人善龍虎蘆雁用墨設色俱入神妙

閩書記

林輔

林輔字叔弼長樂人張士達授以筆法山水花竹龍虎蘆雁皆臻其妙

閩書

鄭克剛

鄭克剛福清人善人馬得韓幹趙仲穆筆法宣德間徵入京師賜御畫

福建通志

陸宣

陸宣字廷旬華亭人號節菴能詩善畫尤長於傳神山水不甚工而清淡蕭散無

塵俗氣一時名人多與遊

松江志

顧應文

顧應文號石泉松江人善畫人物山水尤精釋道像脫去習氣識者貴之宣德中

徵至京未幾謝病歸

松江志

張渙

張渙字文甫號雲心秀水人畫宗趙千里趙松雪石銳諸家種種逼真

鄒衡嘉興志補

滕杲

滕杲字宏甫嘉善人性恬靜不慕仕宦以筆墨自娛山水花木妙絕一時

嘉善志

莫藏

莫藏字用行號佩觿更號素軒海鹽人

見書家傳

作墨花清潤可喜

張寧方洲集

莫藏善繪花木禽魚水仙

海鹽圖經

壺敏

壺敏字中行嘗乘舟玩水號浮瀾先生宣德時人能詩工畫山水草蟲

張園真鳥青文獻

曹侃

曹侃字仲雍號竹齋烏程人永宣間人善畫山水竹石

湖州志

張錦

張錦慶陽衛人能畫

慶陽府志

張鐸

張鐸錦之弟為兒時見其兄作畫即領悟長遂以畫名家畫翎毛尤精

慶陽府志

許宏

許宏宇宗道建安人隱於醫又工詩文寫山水花卉皆臻其妙

劉瓊建寧府志

俞鵬

俞鵬字漢遠上虞人善畫游兩京名重公卿間性耿介其畫亦不易得興至乃寫

畫史會要

劉瑜

劉瑜字尚美號西崖全椒人

見書家傳

善水墨山水氣韻生動有天然趣

田樾全椒志

周永新

周永新

宣宗時人

王直題其所畫山水云括蒼周永新作畫有奇趣京師為我寫此圖髣

髴鄉園昔游處

柳菴集

周璿

周璿善畫松楊士奇題其所畫障子云當代畫松誰最精王紱卓迪俱有名兩生以來鮮繼者鳳池周璿新得名

東里續集

蘇季雅

蘇季雅閩人善畫菊

東里續集

雷濟民

雷濟民

宣宗時人

杜瓊題其畫云蜀中有士雷濟民天機之精如有神遠追顧陸得深趣

近於馬夏尤相親

東原集

張子俊

張子俊號古淡浙江人由中書舍人至禮部員外郎山水宗荆關楊文貞公曾以詩求畫云不盡平生山水興勞君健筆寫幽情畫史會要

裴日英

裴日英字文璧台人精繪事著色花鳥悉臻其妙墨竹坡石尤不可及畫史會要

陳公輔

陳公輔號江村居士吳江人涉獵書史畫山水宗盛子昭亦能寫照兼工雜迹皇明

書史會要

陳公佐

陳公佐號石泉公輔弟亦能畫山水畫史會要

聞人紹宗

聞人紹宗畫水墨松檜畫史會要

曹仲賓

曹仲賓畫九鸞圖傳世畫史會要

彭舜卿

彭舜卿號素仙長興人畫人物亦工山水畫史會要

沈誠

沈誠字文實別號味菜居士金陵人喜繪事興到落筆自成一家

畫史會要

傳禮 鄭春 鄭堂

傅禮字公緒與同時鄭春鄭堂皆善禽鳥花木布景染色三人如出一手

畫史會要

馬俊

馬俊字惟秀號訥軒山水倣唐宋人最古雅獨以鬼神馳名

畫史會要

許昂

許昂字世顯梅花清楚不俗

畫史會要

王挹真

書史會要 挹真

王挹真江右人山水宗二米筆法欠老故傳之者鮮

畫史會要

佩文齋書畫譜卷第五十五

C. T. LOO & CO.
41 EAST 57th STREET
NEW YORK, N. Y.

NO. 513

HGT. _____

LENG. _____

